

Cynulliad Cenedlaethol Cymru
Y Pwyllgor Busnes

Diwygiadau Arfaethedig i'r Rheolau Sefydlog:
Biliau Preifat a Newidiadau Amrywiol

Mehefin 2012



Cynulliad Cenedlaethol Cymru yw'r corff sy'n cael ei ethol yn ddemocrataidd i gynrychioli buddiannau Cymru a'i phobl, i ddeddfu ar gyfer Cymru ac i ddwyn Llywodraeth Cymru i gyfrif.

Gallwch weld copi electronig o'r adroddiad hwn ar wefan y Cynulliad Cenedlaethol:
www.cynulliadcymru.org

Gellir cael rhagor o gopiau o'r ddogfen hon mewn ffurfiau hygyrch, yn cynnwys Braille, print bras, fersiwn sain a chopiau caled gan:

Y Pwyllgor Busnes
Cynulliad Cenedlaethol Cymru
Bae Caerdydd
CF99 1NA

Ffôn: 029 2089 8885
Ffacs: 029 2089 8021
E-bost: Chamber.Secretariat@cymru.gov.uk

© Hawlfraint Comisiwn Cynulliad Cenedlaethol Cymru 2012
Ceir atgynhyrchu testun y ddogfen hon am ddim mewn unrhyw fformat neu gyfrwng cyn belled ag y caiff ei atgynhyrchu'n gywir ac na chaiff ei ddefnyddio mewn cyd-destun camarweiniol na difriol. Rhaid cydnabod mai Comisiwn Cynulliad Cenedlaethol Cymru sy'n berchen ar hawlfraint y deunydd a rhaid nodi teitl y ddogfen.

Cynulliad Cenedlaethol Cymru
Y Pwyllgor Busnes

Diwygiadau Arfaethedig i'r Rheolau Sefydlog:
Biliau Preifat a Newidiadau Amrywiol

Mehefin 2012



Y Pwyllgor Busnes

Mae'r Pwyllgor Busnes yn rhoi cyngor am sut y caiff busnes y Cynulliad ei reoli ac am weithdrefnau ac arferion cyffredinol y Cynulliad. Y Llywydd sy'n cadeirio'r Pwyllgor, a'i aelodau yw'r Gweinidog sy'n gyfrifol am fusnes y Llywodraeth, a Rheolwr Busnes pob un o grwpiau gwleidyddol eraill y Cynulliad. Disgrifir ei bwerau yn Rheolau Sefydlog Cynulliad Cenedlaethol Cymru, yn enwedig yn Rheol Sefydlog 11. Mae'r rhain ar gael yn www.cynulliadcymru.org.

Aelodau'r Pwyllgor



Rosemary Butler (Cadeirydd)

Llafur Cymru
Gorllewin Casnewydd



Jocelyn Davies

Plaid Cymru
Dwyrain De Cymru



William Graham

Ceidwadwyr Cymreig
Dwyrain De Cymru



Jane Hutt

Llafur Cymru
Bro Morgannwg



Aled Roberts

Democratiaid Rhyddfrydol Cymru
Gogledd Cymru

Roedd yr Aelod a ganlyn hefyd yn aelod o'r Pwyllgor yn ystod ei ystyriaeth o'r Rheolau Sefydlog arfaethedig:



Peter Black

Democratiaid Rhyddfrydol Cymru
Gorllewin De Cymru

Cynnwys

| | |
|--|-----------|
| Rhagair y Llywydd | 5 |
| 1. Diben | 6 |
| 2. Biliau Preifat | 7 |
| Cefndir..... | 7 |
| Amlinelliad o'r weithdrefn arfaethedig | 7 |
| Diffiniad a Hyd a Lled Bil Preifat a'r Cyfnod Cyn Cyflwyno (Rheolau Sefydlog 26A.1 - 26A.6) | 7 |
| Cyflwyno Bil Preifat (Rheol Sefydlog 26A.7 - 26A.14)..... | 8 |
| Cyfnod Gwrthwynebu (Rheol Sefydlog 26A.15 - 26A.25) | 8 |
| Pwyllgorau Biliau Preifat (Rheol Sefydlog 26A.26 - 26A.37)..... | 8 |
| Yr ystyriaeth Gychwynnol (Rheol Sefydlog 26A.38 - 26A.45)..... | 9 |
| Ystyriaeth Fanwl y Pwyllgor (Rheol Sefydlog 26A.45 - 26A.71).... | 10 |
| Ystyriaeth Fanwl y Cynulliad (Rheol Sefydlog 26A.72 - 26A.84) .. | 11 |
| Ystyriaeth Derfynol, Gwelliannau i Filiau Preifat, Newid Hyrwyddwr, Cydsyniad Ei Mawrhydi a Dug Cernyw, Penderfyniadau Ariannol, Ailystyried Biliau Preifat a Basiwyd a Chydsyniad Brenhinol (Rheol Sefydlog 26A.85 - 26A.124) | 11 |
| Newidiadau canlyniadol | 12 |
| 3. Newidiadau Amrywiol i'r Rheolau Sefydlog | 13 |
| 4. Penderfyniad | 14 |
| Atodiad A - Newidiadau wedi'u Tracio a Grid Esboniadol: Biliau Preifat | 15 |
| Atodiad B - Rheolau Sefydlog Newydd: Biliau Preifat | 58 |
| Atodiad C - Newidiadau wedi'u Tracio a Grid Esboniadol: Newidiadau Amrywiol | 79 |
| Atodiad D - Rheolau Sefydlog Newydd: Newidiadau Amrwyiol | 81 |

Rhagair y Llywydd

Ar 3 Mawrth 2011, pleidleisiodd mwyafrif o bobl Cymru o blaid rhoi pwerau deddfu sylfaenol i Gynulliad Cenedlaethol Cymru. Ers hynny, rydym wedi parhau i ddatblygu ein capasiti i ddeddfu o fewn yr ugain maes a bennir yn Atodlen 7 i Ddeddf Llywodraeth Cymru 2006.

Mae'r cynnig a amlinellir yn yr adroddiad hwn i Reol Sefydlog newydd sefydlu gweithdrefn ar gyfer ystyried Biliau Preifat gan y Cynulliad yn gam pwysig arall yn natblygiad y Cynulliad fel deddfwrfa. Mae Biliau o'r fath, er eu bod yn brin, yn llawer mwy tebygol o gael eu cyflwyno nawr gan ein bod wedi symud i Ran 4 o'r Ddeddf.

Mae Biliau Preifat yn wahanol i Filiau Cyhoeddus am mai unigolyn neu gorff preifat y tu allan i'r ddeddfwrfa sy'n eu cyflwyno. Maent yn ymwneud â mesurau a geisir er lles personol yr hyrwyddwr, sydd naill ai y tu hwnt i'r gyfraith gyffredinol neu sy'n gwrthdaro â hi, y mae'n bosibl y bydd eraill yn eu gwrthwynebu. O ganlyniad i hyn, mae'r broses hon yn eithaf gwahanol o ran natur i Filiau Cyhoeddus, ac mae llawer o'r broses yn cynnwys trafodion sy'n lled-farnwrol eu natur.

Mae'r Pwyllgor Busnes wedi cytuno y caiff y weithdrefn ar gyfer Biliau Preifat ei adolygu ar ôl iddo gael ei ddefnyddio am y tro cyntaf, ac y bydd cynigion ar gyfer gweithdrefn fwy eang a fydd yn gallu ymdrin â Biliau Preifat mwy cymhleth, yn dilyn. Ein nod hefyd yw cyflwyno cynigion ar gyfer Rheolau Sefydlog ar Filiau Hybrid a Biliau Cydgrynhoi maes o law.

Mae'r ffaith bod y Cynulliad mewn sefyllfa i ystyried Biliau Preifat erbyn hyn yn adlewyrchiad pellach o'n haeddfedrwydd fel deddfwrfa, ac edrychaf ymlaen at ymgysylltu â'r unigolion a'r sefydliadau hynny a fydd am fod yn rhan o'r broses hon fel hyrwyddwyr a gwrthwynebwyr.

Rosemary Butler AC
Y Llywydd

1. Diben

1. Yn unol â Rheol Sefydlog 11.7(iv), mae'r Pwyllgor Busnes yn gyfrifol am wneud argymhellion ar arferion a gweithdrefnau cyffredinol y Cynulliad, gan gynnwys unrhyw gynigion ar gyfer ail-wneud neu ddiwygio Rheolau Sefydlog.
2. Mae'r Pwyllgor Busnes yn argymhell y dylid cyflwyno Rheol Sefydlog 26A newydd i ddarparu gweithdrefn i'r Cynulliad ystyried Biliau Preifat. Bydd newid canlyniadol i Reol Sefydlog 15 hefyd yn hanfodol.
3. Yn ogystal, mae'r Pwyllgor Busnes yn cynnig nifer o fân newidiadau amrywiol er mwyn dileu rhai anghysondebau ac amwysterau sy'n bodoli ar hyn o bryd. I'r perwyl hwn, cynigir newidiadau i Reolau Sefydlog 11, 17 a 25.
4. Gwahoddir y Cynulliad i gymeradwyo'r cynigion i ddiwygio'r Rheolau Sefydlog yn Atodiad B a D.

2. Biliau Preifat

Cefndir

5. Mae adran 111(3) o Ddeddf Llywodraeth Cymru 2006 yn caniatáu i Reolau Sefydlog y Cynulliad wneud darpariaeth ar gyfer Biliau Preifat, Biliau Hybrid a Biliau Cydgrynhoi. Mae Biliau Preifat yn wahanol i Filiau Cyhoeddus am mai unigolyn neu gorff preifat y tu allan i'r ddeddfwrfa sy'n eu cyflwyno. Maent yn ymwneud â mesurau a geisir er lles personol yr hyrwyddwr, y mae'n bosibl y bydd eraill yn eu gwrthwynebu. Cyflwynir Bil Preifat er mwyn cael pwerau i'r hyrwyddwr sydd naill ai y tu hwnt i'r gyfraith gyffredinol neu sy'n gwrthdaro â hi.

6. Nodir cynigion y Pwyllgor Busnes ar gyfer Rheol Sefydlog 26A newydd yn Atodiad A a B. Mae Atodiad A yn cynnwys nodiadau esboniadol, tra bod Atodiad B yn dangos y cynnig ar gyfer Rheol Sefydlog 26A fel y cytunodd y Pwyllgor Busnes arno.

7. Rhagwelir y caiff y Rheolau Sefydlog arfaethedig eu hadolygu ar ôl i'r Cynulliad ystyried y Bil Preifat cyntaf, a hynny er mwyn mynd i'r afael ag unrhyw wersi a ddysgwyd ac er mwyn sicrhau bod y gweithdrefnau ar gyfer ymdrin â deddfwriaeth breifat gymhleth yn gadarn.

Amlinelliad o'r weithdrefn arfaethedig

Diffiniad a Hyd a Lled Bil Preifat a'r Cyfnod Cyn Cyflwyno (Rheolau Sefydlog 26A.1 – 26A.6)

8. Mae'r Rheolau Sefydlog hyn yn amlinellu ystyr 'Bil Preifat' ac 'yr hyrwyddwr' ac yn cyfyngu ar y ffordd y caiff Rheol Sefydlog 26A ei chymhwyso fel nad yw'n gymwys i Fil Preifat sy'n ymwneud â gwaith adeiladu na chaffaeliad gorfodol o dir.

9. Mae'n ofynnol i'r hyrwyddwr anfon y Bil a'r dogfennau sy'n cydfynd â'r Bil at y Llywydd cyn ei gyflwyno. Ni all y Bil gael ei gyflwyno heb gytundeb y Llywydd.

10. Caiff Comisiwn y Cynulliad godi ffi ar yr hyrwyddwr ar gyfer cyflwyno ac ystyried y Bil.

Cyflwyno Bil Preifat (Rheol Sefydlog 26A.7 – 26A.14)

11. Rhaid i Fil Preifat gael ei gyflwyno drwy ei osod gan yr hyrwyddwr neu ar ran yr hyrwyddwr. I gael ei gyflwyno, rhaid i'r Bil Preifat fod yn y ffurf briodol, ac i gyd-fynd â'r Bil rhaid cael datganiad gan y Llywydd sy'n nodi y byddai darpariaethau'r Bil o fewn cymhwysedd deddfwriaethol y Cynulliad. Rhaid cael Memorandwm Esboniadol hefyd.

Cyfnod Gwrthwynebu (Rheol Sefydlog 26A.15 – 26A.25)

12. Pan fydd Bil wedi cael ei osod, rhaid i'r hyrwyddwr gyhoeddi hysbysiad mewn cyhoeddiadau perthnasol, a rhoi cyhoeddusrwydd priodol i hysbysiad o'r fath, yn datgan, ymhlith pethau eraill, effaith gyffredinol y Bil, lle y gall y Bil gael ei archwilio a sut y gall gwrthwynebiadau gael eu gwneud.

13. Ar y diwrnod y caiff hysbysiad o'r fath ei gyhoeddi, mae cyfnod o ddeugain diwrnod yn dechrau i wrthwynebiadau gael eu gwneud. Ni chaniateir rhagor o drafodion ar y Bil Preifat tan ddiwedd y cyfnod hwn o ddeugain diwrnod.

14. Er mwyn i wrthwynebiad fod yn dderbyniadwy, mae'n rhaid iddo gydymffurfio ag unrhyw ganllawiau y mae'r Llywydd wedi'u cyhoeddi a phennu sut y byddai'r Bil yn effeithio'n andwyol ar fuddiannau'r gwrthwynebydd; hynny yw, y byddai'r Bil Preifat yn effeithio ar eiddo neu fuddiannau'r gwrthwynebydd.

15. Mae darpariaeth yn cael ei gwneud ynglŷn â derbyn gwrthwynebiadau hwyr, os bydd y Llywydd yn fodlon bod meini prawf penodol wedi'u bodloni.

Pwyllgorau Biliau Preifat (Rheol Sefydlog 26A.26 – 26A.37)

16. Rhaid i'r Cynulliad ystyried cynnig i sefydlu Pwyllgor Bil Preifat pan fydd y Bil wedi'i gyflwyno ac ar ôl i'r cyfnod gwrthwynebu ddod i ben.

17. Oherwydd natur trafodion Bil Preifat, a'r posibilrwydd cryfach o her gyfreithiol i benderfyniad y Cynulliad, bydd aelodaeth o Bwyllgor Bil Preifat yn destun rhai cyfyngiadau. Mae cyfyngiadau o'r fath yn gyffredin mewn Seneddau eraill.

18. Rhaid i unrhyw Aelod a enwebir i fod yn aelod o Bwyllgor Bil Preifat roi gwybod i'r Pwyllgor Busnes am unrhyw fuddiant, gan gynnwys buddiant a gofrestrwyd o dan Reol Sefydlog 2, a allai fod yn berthnasol i ystyried y Bil Preifat. Rhaid i wybodaeth am fuddiannau ar wahân i'r rhai y mae'n ofynnol eu cofrestru o dan Reol Sefydlog 2 wedyn gael eu cyhoeddi ochr yn ochr â'r cynnig i bennu aelodaeth y Pwyllgor Bil Preifat.

19. Ni chaiff unrhyw Aelod sydd â buddiant cofrestredig o dan Reol Sefydlog 2 a allai fod yn berthnasol i'r ystyriaeth ar y Bil Preifat fod yn aelod o'r Pwyllgor Bil Preifat.

20. Bydd yn ofynnol i aelodau o Bwyllgor Bil Preifat fynd ar gwrs hyfforddiant perthnasol cyn ymgymryd â'u dyletswyddau.

21. Oherwydd y bydd angen i Bwyllgor Bil preifat weithredu mewn modd lled-farnwrol, bydd yna ystyriaethau eraill i'r Aelodau, fel gwneud datganiad i fod yn ddiduedd a seilio'u penderfyniadau ar y dystiolaeth a gyflwynir i'r Pwyllgor.

22. Rhaid i Aelodau o Bwyllgor Bil Preifat fynychu pob cyfarfod o'r pwyllgor hwnnw, oni bai fod amgylchiadau eithriadol. Ni chaiff Aelodau Pwyllgor gymryd rhan mewn unrhyw drafodion os nad ydynt wedi bod yn bresennol mewn sesiwn dystiolaeth lafar berthnasol oni bai fod yr hyrwyddwr ac unrhyw wrthwynebwyr wedi cydsynio, a bod yr Aelod wedi archwilio'r dystiolaeth.

Yr ystyriaeth Gychwynnol (Rheol Sefydlog 26A.38 – 26A.45)

23. Pan fydd Bil Preifat wedi'i gyflwyno, rhaid i'r Pwyllgor Busnes gyfeirio'r Bil at Bwyllgor Bil Preifat ('y pwyllgor'). Bydd y pwyllgor yn ystyried a ddylai'r Bil fynd rhagddo fel Bil Preifat, a chyflwyno adroddiad ar hynny. Wrth wneud hyn, rhaid i'r pwyllgor ystyried:

- a yw darpariaethau'r Bil yn peri ei fod yn briodol i'w ystyried yn unol â'r Rheol Sefydlog ar Ffiliau Preifat; ac
- a yw'r dogfennau sy'n cyd-fynd â'r Bil ac a osodwyd yn unol â'r Rheol Sefydlog yn ddigonol i ganiatáu i'r pwyllgor wneud y penderfyniad hwnnw.

24. Wrth benderfynu a yw darpariaethau'r Bil yn peri ei fod yn briodol i'w ystyried fel Bil Preifat, bydd y pwyllgor yn rhoi sylw penodol i'r graddau y bydd darpariaethau'r Bil yn effeithio ar faterion polisi

cyhoeddus, i ba raddau y mae ei ddarpariaethau yn diwygio neu'n diddymu deddfwriaeth arall, maint yr ardal y mae'n cyfeirio ati a nifer y buddiannau y mae'n effeithio arnyn nhw.

25. Os bydd y pwyllgor yn teimlo nad yw'r dogfennau'n ddigonol i ganiatáu gwaith craffu priodol ar y Bil yn y cyfnod hwn, caiff ofyn i'r hyrwyddwr roi unrhyw wybodaeth ychwanegol sy'n angenrheidiol ym marn y pwyllgor.

26. Wrth wneud ei benderfyniad, caiff y pwyllgor roi sylw i natur y gwrthwynebiadau sydd wedi'u codi, er na fydd yn ystyried rhinweddau unigol y gwrthwynebiadau yn y cyfnod hwn.

27. Ar ôl i'r pwyllgor gyflwyno'i adroddiad, caiff y Pwyllgor Busnes gynnig y dylai'r Cynulliad gytuno i'r Bil fynd rhagddo fel Bil Preifat. Os caiff y cynnig ei basio, mae'r Bil yn cael ei gyfeirio yn ôl at y Pwyllgor Bil Preifat ar gyfer Ystyriaeth Fanwl. Os na chaiff y cynnig ei basio, mae'r Bil yn methu.

Ystyriaeth Fanwl y Pwyllgor (Rheol Sefydlog 26A.45 – 26A.71)

28. Mae Ystyriaeth Fanwl y Pwyllgor yn dechrau ar y diwrnod gwaith cyntaf ar ôl i'r Ystyriaeth Gychwynol ddod i ben. Rhaid i'r trafodion gael eu hystyried gan y pwyllgor a ystyriodd drafodion yr Ystyriaeth Gychwynol.

29. Adeg yr Ystyriaeth Fanwl, mae Pwyllgor y Bil Preifat yn ystyried y gwrthwynebiadau sydd wedi'u cyflwyno ac yn gwrando ar dystiolaeth gan y gwrthwynebwy'r a'r hyrwyddwr. Caniateir i'r gwrthwynebwy'r a'r hyrwyddwy'r ddod â'u cynrychiolwy'r cyfreithiol.

30. Mae gan yr hyrwyddwr ac unrhyw wrthwynebwy'r y mae'r pwyllgor yn barnu bod ganddyn nhw seiliau o sylwedd dros wrthwynebu hawl i gael gwrandawriad gerbron y pwyllgor. Mater i'r pwyllgor yw penderfynu beth yw 'seiliau o sylwedd'. Mae gan aelod o Lywodraeth Cymru hawl i gael gwrandawriad hefyd. Caiff y pwyllgor hefyd wrando ar dystiolaeth unrhyw bersonau eraill y mae'n credu eu bod yn briodol.

31. Caniateir i Fil Preifat gael ei ddiwygio yn ystod Ystyriaeth Fanwl y Pwyllgor.

32. Rhaid i'r pwyllgor osod ei adroddiad ar egwyddorion cyffredinol y Bil, ac ar y gwrthwynebiadau a gafwyd, gerbron y Cynulliad. O fewn

pum diwrnod gwaith ar ôl i'r adroddiad gael ei osod, caiff unrhyw Aelod Cynulliad gynnig na ddylai'r Bil fynd dim pellach. Os caiff cynnig o'r fath ei basio, mae'r Bil yn methu. Os caiff cynnig o'r fath ei wrthod, neu os na chaiff cynnig o'r fath ei gyflwyno, bernir bod y Cynulliad wedi cytuno ar egwyddorion cyffredinol y Bil. Mae'r weithdrefn hon yn caniatáu i'r Cynulliad wrthod argymhellion y Pwyllgor Bil Preifat ar egwyddorion cyffredinol y Bil Preifat, ond yn cadw blaenoriaeth y pwyllgor o ran ystyried rhinweddau'r Bil Preifat.

33. Os bernir bod y Cynulliad wedi cytuno ar yr egwyddorion cyffredinol, a heb fod yn gynharach na 25 diwrnod ar ôl cyflwyno ei adroddiad, caiff y pwyllgor ystyried gwelliannau i'r Bil Preifat. Caiff gwelliannau eu gwaredu yn yr un modd ag yng Nghyfnod 2 Biliau Cyhoeddus.

Ystyriaeth Fanwl y Cynulliad (Rheol Sefydlog 26A.72 – 26A.84)

34. Mae Ystyriaeth Fanwl y Cynulliad yn dechrau ar y diwrnod gwaith cyntaf ar ôl i Ystyriaeth Fanwl y Pwyllgor ddod i ben. Caiff y cyfnod hwn ei ystyried gan y Cynulliad yn y cyfarfod llawn.

35. Rhaid i 15 diwrnod gwaith o leiaf fynd heibio rhwng y diwrnod y mae Ystyriaeth Fanwl y Cynulliad yn dechrau a dyddiad cyfarfod cyntaf y Cynulliad sy'n ystyried trafodion Ystyriaeth Fanwl y Cynulliad.

36. Yn ychwanegol at y meini prawf arferol ar gyfer Biliau Cyhoeddus, yn ystod y cyfnod hwn, bydd gwelliannau'n dderbyniadwy dim ond os ydynt wedi'u bwriadu i egluro geiriad darpariaeth yn y Bil Preifat, yn rhoi eu heffaith i ymrwymadau a roddwyd ar ran yr hyrwyddwr yn ystod Ystyriaeth Fanwl y Pwyllgor, neu'n rhoi eu heffaith i unrhyw argymhellion a wnaed gan y pwyllgor yn ystod Ystyriaeth Fanwl y Pwyllgor.

Ystyriaeth Derfynol, Gwelliannau i Filiau Preifat, Newid Hyrwyddwr, Cydsyniad Ei Mawrhydi a Dug Cernyw, Penderfyniadau Ariannol, Ailystyried Biliau Preifat a Basiwyd a Chydsyniad Brenhinol (Rheol Sefydlog 26A.85 – 26A.124)

37. Cymerir y Cyfnod Terfynol yn y cyfarfod llawn ac mae'n golygu cynnal dadl a phleidlais ar gynnig y dylai'r Bil Preifat gael ei basio yn yr un modd â Biliau Cyhoeddus.

38. Mae'r prosesau ar gyfer gwneud gwelliannau i Filiau Preifat, sicrhau Cydsyniad Brenhinol, pasio penderfyniadau ariannol ac Ailystyried Biliau a Basiwyd yn adlewyrchu'r prosesau ar gyfer Biliau Cyhoeddus. Mae'r Rheolau Sefydlog sy'n rheoli'r ffordd y mae Biliau Preifat yn methu, yn cael eu gwrthod neu'n cael eu tynnu yn ôl hefyd yn adlewyrchu'r Rheolau Sefydlog ar gyfer Biliau Cyhoeddus.

39. Mae Rheolau Sefydlog 26A.106 i 26A.113 yn nodi'r weithdrefn sydd i'w dilyn yn achos newid hyrwyddwr. Rhaid i'r hyrwyddwr newydd gyflwyno memorandwm yn esbonio'r rhesymau dros y newid. Rhaid i'r pwyllgor ystyried goblygiadau newid hyrwyddwr ac mae'r Rheol Sefydlog yn amlinellu'r camau posibl y gall y pwyllgor eu dewis o ganlyniad i hynny.

Newidiadau canlyniadol

40. Diwygir Rheol Sefydlog 15.1 i gynnwys deddfwriaeth y mae gofyn iddi gael ei gosod o dan y Rheol Sefydlog newydd fel categori o ddogfen y gellir ei gosod gerbron y Cynulliad.

3. Newidiadau Amrywiol i'r Rheolau Sefydlog

41. Ar ddiwedd y Trydydd Cynulliad, cynhaliodd y Pwyllgor Busnes adolygiad o'r Rheolau Sefydlog. Ers hynny, gwnaed newidiadau pellach i'r Rheolau Sefydlog mewn perthynas â newidiadau i derminoleg yn dilyn y bleidlais gadarnhaol yn y refferendwm, Gorchmynion Adran 109 a chwestiynau llafar i'r Comisiwn a'r Cwnsler Cyffredinol.

42. Mae'r Pwyllgor Busnes yn cynnig newidiadau i'r Rheolau Sefydlog er mwyn datrys anghysonderau neu gynnig eglurder lle y mae materion wedi dod i'r amlwg o ganlyniad i'r profiad o ddefnyddio'r Rheolau Sefydlog.

43. Mae cynigion y Pwyllgor Busnes i wneud newidiadau i Reolau Sefydlog 11.10, 17.3, 17.41 a 25.22 wedi'u nodi yn Atodiad C a D. Mae Atodiad C yn cynnwys y newidiadau wedi'u tracio a nodiadau esboniadol, ac mae Atodiad D yn dangos y Rheolau Sefydlog fel y cytunodd y Pwyllgor Busnes arnynt.

4. Penderfyniad

44. Cytunodd y Pwyllgor Busnes ar y newidiadau i'r Rheolau Sefydlog ar 12 Mehefin 2012. Gwahoddir y Cynulliad i gymeradwyo'r cynigion i ddiwygio'r Rheolau Sefydlog yn unol ag Atodiad B a D.

Atodiad A – Newidiadau wedi’u Tracio a Grid Esboniadol: Biliau Preifat

| Rheol Sefydlog 26A – Deddfau Preifat y Cynulliad | Teitl y Rheol Sefydlog newydd |
|---|---|
| Biliau Preifat | <p>Is-bennawd newydd</p> <p>Yn dilyn fformat yr is-bennawd yn Rheol Sefydlog 26.</p> |
| <p>26A.1 At ddibenion Rheol Sefydlog 26A, mae Bil Preifat yn Fil a gyflwynir er mwyn sicrhau i berson unigol, corff corfforaethol neu gymdeithas anghorfforedig o bersonau (“yr hyrwyddwr”) bwerau neu fanteision penodol sy’n fwy na’r gyfraith gyffredinol, neu sy’n gwrthdaro â hi.</p> | <p>Cyflwyno Rheol Sefydlog newydd</p> <p>Mae’r Rheol Sefydlog hon yn nodi ystyr ‘Bil Preifat’ ac ystyr ‘yr hyrwyddwr’.</p> <p>Er nad oes dim i atal Aelod rhag bod yn hyrwyddwr Bil Preifat, yr hyn a ragwelir yw mai rhywun o’r tu allan i’r Cynulliad fydd yr hyrwyddwr yn y mwyafrif llethol o’r achosion.</p> <p>Pe bai Aelod am fod yn hyrwyddwr Bil Preifat, byddai’n gwneud hynny fel unigolyn preifat ac nid yn rhinwedd ei swydd fel Aelod o’r Cynulliad.</p> |
| <p>26A.2 Mae Rheol Sefydlog 26A yn gymwys i unrhyw Fil Preifat heblaw un y bwriedir i’w ddarpariaethau awdurdodi neu hwyluso unrhyw waith adeiladu neu awdurdodi prynu’n orfodol unrhyw ystâd neu fuddiant mewn tir neu dros dir. At y dibenion hyn, rhaid peidio â barnu bod trosglwyddo unrhyw ystâd neu fuddiant mewn tir neu dros</p> | <p>Cyflwyno Rheol Sefydlog newydd</p> <p>Mae’r Rheol Sefydlog hon yn nodi i ba raddau y mae Rheol Sefydlog 26A yn gymwys, hynny yw nad yw’n gymwys i Fil Preifat sy’n ymwneud â gwaith adeiladu nac â phrynu tir yn orfodol.</p> |

| | |
|---|---|
| <p>dir sy'n rhan o asedau person neu gorff sy'n arfer swyddogaethau o natur gyhoeddus i berson neu gorff arall sydd hefyd yn arfer swyddogaethau o natur gyhoeddus yn golygu prynu'r ystâd honno neu'r buddiant hwnnw yn orfodol.</p> | <p>Maes o law, mae'n bosibl y bydd arnon ni angen gweithdrefnau i ymdrin â'r ddeddfwriaeth breifat fwyaf cymhleth (er enghraifft, ynghylch prosiectau adeiladu). Ond mae mathau eraill o Fil Preifat, megis Bil Prifysgol Cymru: Y Drindod Dewi Sant yn llai trafferthus ac rydyn ni wedi hoelio'n sylw ar ddatblygu gweithdrefn sy'n gallu trafod y Bil hwnnw a Biliau tebyg eraill.</p> <p>A bwrw y bydd Bil Prifysgol Cymru: Y Drindod Dewi Sant yn dod ymlaen, byddem yn rhag-weld ailstyried ac o bosibl ehangu capasiti'r weithdrefn ar ôl cwblhau'r broses honno er mwyn mynd i'r afael ag unrhyw wersi a fydd yn cael eu dysgu.</p> |
| <p>Caniatâd i gyflwyno Bil Preifat</p> | <p>Is-bennawd newydd</p> <p>Yn dilyn fformat yr is-bennawd yn Rheol Sefydlog 26.</p> |
| <p>26A.3 Cyn cael eu cyflwyno yn unol â Rheol Sefydlog 26A.8, rhaid i Fil Preifat a'r dogfennau sy'n cyd-fynd ag ef y mae Rheol Sefydlog 26A.12 yn gofyn amdanynt gael eu hanfon gan yr hyrwyddwr at y Llywydd er mwyn i'r Llywydd benderfynu a ddylai ganiatáu i'r Bil gael ei gyflwyno.</p> | <p>Rheol Sefydlog newydd</p> <p>Mae'r Rheol Sefydlog hon yn ei gwneud yn ofynnol i hyrwyddwr Bil Preifat anfon y Bil a'r dogfennau sy'n cyd-fynd ag ef at y Llywydd, cyn i'r Bil gael ei gyflwyno yn y Cynulliad, er mwyn i'r Llywydd benderfynu a ddylai ganiatáu i'r Bil gael ei gyflwyno yn y Cynulliad.</p> |
| <p>26A.4 Rhaid i'r Llywydd roi gwybod i'r hyrwyddwr am ei benderfyniad o dan Reol Sefydlog 26A.3 ac, os na fydd caniatâd yn cael ei roi, rhaid i'r Llywydd roi rhesymau i'r hyrwyddwr dros y penderfyniad hwnnw.</p> | <p>Rheol Sefydlog newydd</p> <p>Mae'r Rheol Sefydlog hon yn ei gwneud yn ofynnol i'r Llywydd roi gwybod i'r hyrwyddwr am ei benderfyniad ynghylch caniatâd i</p> |

| | |
|---|--|
| | gyflwyno'r Bil Preifat yn y Cynulliad. Os bydd y Llywydd yn penderfynu peidio â rhoi caniatâd, rhaid i'r Llywydd roi rhesymau dros y penderfyniad i'r hyrwyddwr. |
| 26A.5 Rhaid i Fil Preifat beidio â chael ei gyflwyno heb gytundeb y Llywydd ymlaen llaw. | Rheol Sefydlog newydd Mae'r Rheol Sefydlog hon yn ei gwneud yn ofynnol i gytundeb y Llywydd gael ei sicrhau cyn y caniateir i Fil Preifat gael ei gyflwyno. |
| Ffioedd | Is-bennawd newydd |
| 26A.6 Caiff y Comisiwn bennu ffioedd sy'n daladwy gan hyrwyddwyr wrth gyflwyno Biliau Preifat ac mewn perthynas â chyfnodau ystyried Biliau Preifat a nodir yn Rheol Sefydlog 26A. Caiff y Comisiwn beidio â chodi ffi neu ostwng ffi a fyddai'n daladwy fel arall. | Rheol Sefydlog newydd Mae'r Rheol Sefydlog hon yn caniatáu i Gomisiwn y Cynulliad godi ffi ar yr hyrwyddwr. Mae'r Rheol Sefydlog yn ei gadael yn agored i Gomisiwn y Cynulliad benderfynu a ddylid codi ffi o'r fath, ac ar ba lefel y dylid pennu'r ffi. Hefyd, mae gan y Comisiwn y dewis i naill ai godi un ffi pan gaiff y Bil ei gyflwyno neu i godi ffi ar gyfer pob cyfnod. Gallai methiant ar ran yr hyrwyddwr i dalu unrhyw ffi mewn modd amserol olygu y byddai oedi yn y broses o ystyried y Bil Preifat gan y Cynulliad. |
| Ffurf Biliau Preifat a sut i'w Cyflwyno | Is-bennawd newydd |

| | |
|---|---|
| | Yn dilyn fformat yr is-bennawd yn Rheol Sefydlog 26. |
| 26A.7 Caniateir i Fil Preifat gael ei gyflwyno ar ddiwrnod gwaith mewn wythnos eistedd. | Rheol Sefydlog newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, gan ddileu cyfeiriadau at Reolau Sefydlog sy'n berthnasol i Filiau Pwyllgorau a Biliau Aelodau yn unig. |
| 26A.8 Rhaid i Fil Preifat gael ei gyflwyno drwy gael ei osod gan yr hyrwyddwr neu ar ei ran. | Rheol Sefydlog newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus ond yn galluogi Bil Preifat i gael ei osod gan yr hyrwyddwr neu ar ei ran. Bydd angen i Reol Sefydlog 15.1(ii) gael ei diwygio ychydig i ddarparu ar gyfer hyn. Dangosir y newid hwn o dan y 'newidiadau canlyniadol' ar ddiwedd y grid hwn. |
| 26A.9 Rhaid peidio â gosod Bil Preifat oni bai ei fod ar y ffurf briodol yn unol ag unrhyw benderfyniadau a wnaed gan y Llywydd. | Rheol Sefydlog newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol, sef newid y cyfeiriad at 'Bil' i 'Bil Preifat'. |
| 26A.10 Pan gyflwynir Bil Preifat, rhaid cael datganiad Cymraeg a Saesneg gan y Llywydd i gyd-fynd ag ef a rhaid i'r datganiad hwnnw: (i) nodi a fyddai darpariaethau'r Bil, ym marn y Llywydd, o fewn cymhwysedd deddfwriaethol y Cynulliad; a | Rheol Sefydlog newydd Yn dyblygu'r ddarpariaeth yn y Rheolau Sefydlog ynglŷn â Biliau Cyhoeddus, â diwygiad priodol. |

| | |
|--|--|
| <p>(ii) nodi unrhyw ddarpariaethau na fyddent, ym marn y Llywydd, o fewn cymhwysedd deddfwriaethol y Cynulliad a'r rhesymau dros y farn honno.</p> | |
| <p>26A.11 Rhaid i Fil Preifat gael ei gyflwyno yn Gymraeg a Saesneg ac eithrio pan na wneir hynny yn unol ag unrhyw benderfyniadau a wnaed gan y Llywydd o dan Reol Sefydlog 26A.9.</p> | <p>Rheol Sefydlog newydd</p> <p>Yn dyblygu'r ddarpariaeth yn y Rheolau Sefydlog ynglŷn â Biliau Cyhoeddus, â diwygiadau priodol.</p> |
| <p>Dogfennau i Gyd-fynd â Bil Preifat</p> | <p>Is-bennawd newydd</p> <p>Yn dilyn fformat yr is-bennawd yn Rheol Sefydlog 26.</p> |
| <p>26A.12 Ar yr un pryd ag y bydd yr hyrwyddwr yn cyflwyno Bil Preifat, rhaid hefyd iddo osod Memorandwm Esboniadol yn Gymraeg a Saesneg y mae'n rhaid iddo:</p> <ul style="list-style-type: none"> (i) datgan y byddai darpariaethau'r Bil Preifat, ym marn yr hyrwyddwr, o fewn cymhwysedd deddfwriaethol y Cynulliad; (ii) nodi'r rhesymau pam y mae darpariaethau'r Bil yn ei gwneud yn briodol iddo fynd rhagddo fel Bil Preifat, gan roi sylw penodol i'r meini prawf yn Rheol Sefydlog 26A.39; (iii) nodi amcanion y Bil Preifat; (iv) nodi a gafodd ffyrdd eraill o wireddu'r amcanion eu hystyried ac, os felly, pam y cafodd yr ymagwedd a gymerir yn y Bil Preifat ei mabwysiadu; | <p>Rheol Sefydlog newydd</p> <p>Yn dyblygu'r ddarpariaeth yn y Rheolau Sefydlog ynglŷn â Biliau Cyhoeddus, ac eithrio o ran nodi darpariaethau sy'n cynnwys gwneud is-ddeddfwriaeth.</p> <p>Mae dau bwynt ychwanegol wedi'u cynnwys sy'n ei gwneud yn ofynnol i'r hyrwyddwr nodi'r rhesymau pam y dylai'r Bil fynd rhagddo fel Bil Preifat a chynnwys datganiad hyrwyddwr (Rheol Sefydlog 26A.12(vii)).</p> |

(v) nodi'r ymgynghori a gafwyd ar y canlynol:

(a) amcanion y Bil Preifat a'r ffyrdd o'u gwireddu; a

(b) manylion y Bil Preifat,
ynghyd â chrynodeb o ddeiliant yr ymgynghori hwnnw;

(vi) crynhoi yn wrthrychol yr hyn y bwriedir i bob un o ddarpariaethau'r Bil Preifat ei wneud (i'r graddau y mae angen esbonio hynny neu y mae angen cyflwyno sylwadau ar hynny) a rhoi'r wybodaeth arall sy'n angenrheidiol i esbonio effaith y Bil;

(vii) cynnwys Datganiad Hyrwyddwr sy'n nodi:

(a) yn achos Bil Preifat sy'n cynnwys darpariaeth a fydd yn effeithio ar eiddo neu ar hawliau neu ddyletswyddau contractiol unrhyw berson heblaw'r hyrwyddwr, fanylion unrhyw hysbysiad ynglŷn â'r ddarpariaeth arfaethedig a roddwyd gan yr hyrwyddwr i unrhyw bersonau neu ddsbarthiadau o berson yr effeithir ar ei eiddo neu ar ei hawliau neu ei ddyletswyddau contractiol a manylion unrhyw ymateb a gafwyd;

(b) yn achos Bil Preifat lle mae'r hyrwyddwr yn gorff corfforaethol neu gymdeithas anghorfforedig o bersonau, fanylion penderfyniad ffurfiol y corff hwnnw neu'r gymdeithas honno i hyrwyddo'r Bil Preifat a chadarnhad bod y penderfyniad o dan sylw wedi'i wneud yn unol â chyfansoddiad y corff hwnnw neu'r

| | |
|---|--|
| <p>gymdeithas honno;</p> <p>(c) yn achos Bil Preifat sy'n cynnwys darpariaeth i roi pwerau i unrhyw gorff corfforaethol neu'n gymdeithas anghorfforedig o bersonau, heblaw'r hyrwyddwr, neu i ddiwygio'u cyfansoddiad, fanylion unrhyw hysbysiad ynglŷn â'r ddarpariaeth arfaethedig a roddwyd gan yr hyrwyddwr i'r corff corfforaethol neu'r gymdeithas anghorfforedig o bersonau a manylion unrhyw ymateb a gafwyd.</p> | |
| <p>Hysbysiad bod Bil Preifat wedi'i gyflwyno</p> | <p>Is-bennawd newydd</p> <p>Yn dilyn fformat yr is-bennawd yn Rheol Sefydlog 26.</p> |
| <p>26A.13 Cyn gynted ag y bydd Bil Preifat wedi'i gyflwyno, rhaid i'r hyrwyddwr gyhoeddi hysbysiad sy'n datgan:</p> <p>(i) effaith gyffredinol y Bil Preifat;</p> <p>(ii) y gall y Bil Preifat gael ei archwilio yn y Cynulliad ac mewn un neu ragor o fannau yng Nghymru gan gynnwys, yn achos Bil Preifat sy'n ymwneud ag un ardal yn unig yng Nghymru, fan yn yr ardal honno;</p> <p>(iii) y caiff personau sy'n credu y byddai'r Bil Preifat yn effeithio'n andwyol ar eu buddiannau wneud gwrthwynebiad i'r Llywydd yn ystod y cyfnod o 40</p> | <p>Rheol Sefydlog newydd</p> <p>Mae'r Rheol Sefydlog hon yn ei gwneud yn ofynnol i'r hyrwyddwr gyhoeddi hysbysiad i roi gwybod i'r cyhoedd fod Bil Preifat wedi'i gyflwyno a sut i wrthwynebu'r Bil hwnnw.</p> <p>Mae cyfnod o 40 o ddiwrnodau ar gyfer gwrthwynebu yn agor pan fydd yr hysbysiad hwn yn cael ei gyhoeddi gan yr hyrwyddwr.</p> |

| | |
|--|---|
| <p>diwrnod gwaith sy'n dechrau ar y diwrnod y cyhoeddir yr hysbysid gyntaf mewn papur newydd ("y cyfnod ymgynghori");</p> <p>(iv) sut i gyflwyno gwrthwynebiad a'r wybodaeth sydd i'w chynnwys yn y gwrthwynebiad hwnnw, gan roi sylw i Reol Sefydlog 26A.19;</p> <p>(v) y caiff gwrthwynebiad ofyn naill ai i'r Bil Preifat beidio â chael ei gymeradwyo neu i newidiadau gael eu gwneud i'r Bil Preifat cyn iddo gael ei gymeradwyo;</p> <p>(vi) bod rhaid i'r person sy'n gwneud gwrthwynebiad gydymffurfio ag unrhyw ganllawiau a gyhoeddir gan y Llywydd ynghylch gwneud gwrthwynebiad.</p> | |
| <p>26A.14 Rhaid i hysbysiad o dan Reol Sefydlog 26.13 gael ei gyhoeddi:</p> <p>(i) mewn o leiaf un papur newydd sy'n cylchredeg ledled Cymru (neu, os yw'r Bil Preifat yn ymwneud ag un ardal yn unig yng Nghymru, ledled yr ardal honno); a</p> <p>(ii) drwy ba fodd arall bynnag sy'n briodol, yn unol â chanllawiau a gyhoeddir gan y Llywydd, i sicrhau ei fod yn dod i sylw'r rhai y mae'r Bil Preifat yn debyg o effeithio ar eu buddiannau.</p> | <p>Rheol Sefydlog newydd</p> <p>Rhaid i'r hyrwyddwr gymryd i ystyriaeth ganllawiau sy'n cael eu cyhoeddi gan y Llywydd wrth benderfynu sut i roi cyhoeddusrwydd i'r hysbysiad, ond mae'n rhaid bob amser ei gyhoeddi mewn o leiaf un papur newydd cenedlaethol neu leol, fel y bo'n briodol. Mae'r Rheol Sefydlog nesaf yn gorfodi'r hyrwyddwr i ddangos i'r Llywydd sut y mae wedi cydymffurfio â'r gofyniad hwn.</p> |

| | |
|--|--|
| <p>26A.15 Cyn gynted ag y bydd yr hyrwyddwr wedi cydymffurfio â gofynion Rheol Sefydlog 26A.13, rhaid i'r hyrwyddwr roi hysbysiad ysgrifenedig o'r ffaith honno i'r Llywydd, gan roi manylion y canlynol:</p> <ul style="list-style-type: none"> (i) sut y cydymffurfiwyd â'r gofynion hynny; a (ii) y trefniadau a wnaeth yr hyrwyddwr i sicrhau y gallai'r Bil Preifat gael ei archwilio (heblaw yn y Cynulliad) yn unol â Rheol Sefydlog 26A.13(ii) . | <p>Rheol Sefydlog newydd</p> <p>Mae'r Rheol Sefydlog hon yn ei gwneud yn ofynnol i'r hyrwyddwr roi gwybod i'r Llywydd, mewn ysgrifen, y cydymffurfiwyd â'r gofynion ynghylch rhoi gwybod i'r cyhoedd fod y Bil Preifat wedi'i gyflwyno. Rhaid i'r hyrwyddwr roi'r manylion am sut y cafodd hyn ei wneud.</p> |
| <p>Gwrthwynebu</p> | <p>Is-bennawd newydd</p> <p>Yn dilyn fformat yr is-bennawd yn Rheol Sefydlog 26.</p> |
| <p>26A.16 Caiff person unigol, corff corfforaethol neu gymdeithas anghorfforedig o bersonau sydd o'r farn y byddai Bil Preifat a gyflwynid yn y Cynulliad yn effeithio'n andwyol ar eu buddiannau ("gwrthwynebydd") wneud gwrthwynebiad i'r Llywydd mewn ysgrifen, yn unol â hysbysiad a roddir o dan Reol Sefydlog 26A.13, yn ystod y cyfnod gwrthwynebu a bennir yn Rheol Sefydlog 26A.13(iii).</p> | <p>Rheol Sefydlog newydd</p> <p>Mae'r Rheol Sefydlog hon yn darparu i berson, corff corfforaethol neu gymdeithas anghorfforedig o bersonau wrthwynebu Bil Preifat os ydyn nhw'n teimlo y byddai'n effeithio'n andwyol ar eu buddiannau. Mae'r Rheol Sefydlog yn ei gwneud yn ofynnol i unrhyw wrthwynebiad gael ei wneud yn unol â'r hysbysiad a roddir o dan Reol Sefydlog 26A.13.</p> |
| <p>26A.17 At ddibenion Rheol Sefydlog 26A.16, caiff aelod o'r llywodraeth fod yn wrthwynebydd hefyd.</p> | <p>Rheol Sefydlog newydd</p> <p>Mae'r Rheol Sefydlog hon yn gysylltiedig â Rheol Sefydlog 26.A15 ac mae'n darparu y caiff aelod o'r llywodraeth fod yn wrthwynebydd.</p> |

| | |
|--|--|
| <p>26A.18 Rhaid i'r Llywydd ddyfarnu a yw gwrthwynebiad yn dderbyniadwy.</p> | <p>Rheol Sefydlog newydd</p> <p>Mae'r Rheol Sefydlog hon yn ei gwneud yn ofynnol i'r Llywydd ddyfarnu a yw gwrthwynebiadau'n gallu cael eu derbyn neu beidio. Mae'r Rheol Sefydlog hon yn gysylltiedig â Rheol Sefydlog 26A.18.</p> <p>Wrth ddyfarnu o dan y Rheol Sefydlog hon, nid yw'n ofynnol i'r Llywydd ddyfarnu a yw'r gwrthwynebid yn ddilys ai peidio, dim ond bod y gwrthwynebiad yn cydymffurfio â'r meini prawf yn Rheol Sefydlog 26A.18.</p> |
| <p>26A.19 Dim ond:</p> <ul style="list-style-type: none"> (i) os yw'n cydymffurfio ag unrhyw ganllawiau a roddir gan y Llywydd o dan Reol Sefydlog 6.17 ynglŷn â gwneud gwrthwynebiad; (ii) os yw'n nodi natur y gwrthwynebiad; (iii) os yw'n nodi'r darpariaethau yn y Bil Preifat sy'n arwain at y gwrthwynebiad; (iv) os yw'n pennu sut y byddai'r Bil Preifat yn effeithio'n andwyol ar fuddiannau'r gwrthwynebydd y bydd gwrthwynebiad yn dderbyniadwy. | <p>Rheol Sefydlog newydd</p> <p>Mae'r Rheol Sefydlog hon yn nodi'r meini prawf ynglŷn â derbyn gwrthwynebiadau. Mae'r Rheol Sefydlog hon yn gysylltiedig â Rheol Sefydlog 26A.17.</p> |
| <p>26A.20 Rhaid i'r Llywydd roi gwybod i'r hyrwyddwr am ei benderfyniad o dan Reol Sefydlog 26A.18 ac, os dyfernir nad yw</p> | <p>Rheol Sefydlog newydd</p> <p>Mae'r Rheol Sefydlog hon yn ei gwneud yn ofynnol i'r Llywydd roi</p> |

| | |
|--|--|
| <p>gwrthwynebiad yn dderbyniadwy, rhaid i'r Llywydd roi rhesymau i'r hyrwyddwr dros y penderfyniad hwnnw.</p> | <p>gwybod i'r hyrwyddwr am ei benderfyniad ynghylch derbyn gwrthwynebiad neu beidio. Pan fo'r Llywydd wedi dyfarnu na all gwrthwynebiad gael ei dderbyn, rhaid i'r Llywydd roi rhesymau i'r hyrwyddwr dros y penderfyniad hwnnw.</p> |
| <p>26A.21 Ar ôl i'r cyfnod gwrthwynebu ddod i ben, rhaid i'r Clerc gyhoeddi pob gwrthwynebiad derbyniadwy.</p> | <p>Rheol Sefydlog newydd</p> <p>Mae'r Rheol Sefydlog hon yn ei gwneud yn ofynnol i'r Clerc gyhoeddi pob gwrthwynebiad derbyniadwy pan fydd y cyfnod gwrthwynebu wedi dod i ben.</p> |
| <p>26A.22 Os caiff y Llywydd wrthwynebiad ar ôl i'r cyfnod gwrthwynebu ddod i ben ond cyn y cyfarfod cyntaf ar gyfer Ystyriaeth Fanwl y Pwyllgor, ac os ceir gyda'r gwrthwynebiad hwnnw ddatganiad gan y gwrthwynebydd sy'n esbonio'r oedi cyn cyflwyno'r gwrthwynebiad, rhaid i'r Llywydd benderfynu a yw wedi'i fodloni:</p> <ul style="list-style-type: none"> (i) bod y gwrthwynebiad yn dderbyniadwy, yn unol â Rheol Sefydlog 26A.19; (ii) bod gan y gwrthwynebydd reswm da dros beidio â gwneud y gwrthwynebiad o fewn y cyfnod gwrthwynebu; (iii) bod y gwrthwynebydd wedi gwneud y gwrthwynebiad cyn gynted ag yr oedd yn rhesymol ymarferol ar ôl i'r cyfnod hwnnw ddod i ben; a (iv) na fyddai'n afresymol ystyried y gwrthwynebiad hwnnw o gofio | <p>Rheol Sefydlog newydd</p> <p>Mae'r Rheol Sefydlog hon yn ymwneud a gwrthwynebiadau sy'n dod i law ar ôl i'r cyfnod gwrthwynebu ddirwyn i ben ('gwrthwynebiadau hwyr'). Mae'n ei gwneud yn ofynnol i'r Llywydd ei fodloni ei hun ynghylch y materion sydd wedi'u rhestru yn (i) i (iv).</p> |

| | |
|--|--|
| hawliau a buddiannau'r gwrthwynebwyr a'r hyrwyddwr. | |
| <p>26A.23 Os yw'r Llywydd wedi'i fodloni felly:</p> <ul style="list-style-type: none"> (i) rhaid iddo roi gwybod i'r gwrthwynebydd am ei benderfyniad; (ii) rhaid i'r Clerc gyhoeddi'r gwrthwynebiad; a (iii) rhaid i'r pwyllgor a sefydlir yn unol â Rheol Sefydlog 26A.26 roi ystyriaeth i'r gwrthwynebiad. | <p>Rheol Sefydlog newydd</p> <p>Mae'r Rheol Sefydlog hon yn ei gwneud yn ofynnol i'r Llywydd a'r Clerc gymryd camau penodol os yw'r Llywydd wedi'i fodloni bod y gwrthwynebiad hwyr yn gallu cael ei dderbyn.</p> |
| <p>26A.24 Os nad yw'r Llywydd wedi'i fodloni felly, rhaid iddo:</p> <ul style="list-style-type: none"> (i) rhoi gwybod i'r gwrthwynebydd am ei benderfyniad, a (ii) rhoi rhesymau dros y penderfyniad hwnnw i'r gwrthwynebydd. | <p>Rheol Sefydlog newydd</p> <p>Mae'r Rheol Sefydlog hon yn ei gwneud yn ofynnol i'r Llywydd gymryd camau penodol os nad yw wedi'i fodloni bod gwrthwynebiad hwyr yn gallu cael ei dderbyn.</p> |
| <p>26A.25 Caniateir i wrthwynebiad gael ei dynnu'n ôl gan y gwrthwynebydd, yn unol ag unrhyw ganllawiau a roddir gan y Llywydd.</p> | <p>Rheol Sefydlog newydd</p> <p>Mae'r Rheol Sefydlog hon yn galluogi gwrthwynebydd i dynnu ei wrthwynebiad yn ôl, yn unol ag unrhyw ganllawiau a roddir gan y Llywydd.</p> |
| <p>Pwyllgorau Biliau Preifat</p> | <p>Is-bennawd newydd</p> <p>Yn dilyn fformat yr is-bennawd yn Rheol Sefydlog 26.</p> |
| <p>26A.26 Pan fydd Bil Preifat wedi'i gyflwyno, ac ar ôl i'r cyfnod gwrthwynebu a bennir yn Rheol Sefydlog 26A.13(iii) ddod i ben, rhaid i'r Cynulliad ystyried cynnig i sefydlu Pwyllgor Bil Preifat, yn unol â</p> | <p>Rheol Sefydlog newydd</p> <p>Mae'r Rheol Sefydlog hon yn ymwneud â sefydlu Pwyllgor Bil Preifat.</p> |

| | |
|--|---|
| <p>Rheol Sefydlog 16.5.</p> | <p>Ar ôl i Fil Preifat gael ei gyflwyno, ac ar ôl i'r cyfnod gwrthwynebu ddod i ben, mae'n ofynnol i'r Cynulliad ystyried cynnig, a gyflwynir gan y Pwyllgor Busnes, i sefydlu Pwyllgor Bil Preifat i ystyried y Bil.</p> |
| <p>26A.27 Mae Rheolau Sefydlog 17.3 a 17.7 yn gymwys i Bwyllgor Bil Preifat ac eithrio bod rhaid iddo gynnwys dim llai na phedwar o aelodau.</p> | <p>Rheol Sefydlog newydd</p> <p>Mae'r Rheol Sefydlog hon yn ymwneud ag aelodaeth y Pwyllgor Bil Preifat. Mae Rheol Sefydlog 17.3 yn darparu i'r Cynulliad ystyried cynnig a gyflwynir gan y Pwyllgor Busnes i gytuno ar aelodaeth a chadeirydd pob pwyllgor.</p> <p>Mae Rheol Sefydlog 17.7 yn gymwys os na chytunir ar gynnig o dan Reol Sefydlog 17.3. Mae'n darparu i'r Pwyllgor Busnes gyflwyno cynnig i gytuno ar aelodaeth pwyllgorau, pryd y dyrennir y lleoedd ar y pwyllgorau hynny yn unol â Deddf Llywodraeth Cymru 2006 (hynny yw fformiwla d'Hondt).</p> <p>Nid yw Rheolau Sefydlog 17.3 a 17.7 yn darparu ar gyfer isafswm o aelodau ar bwyllgor ac felly mae'r Rheol Sefydlog ddrafft hon yn datgan bod rhaid cael dim llai na phedwar o aelodau ar Bwyllgor Bil Preifat.</p> |
| <p>26A.28 Rhaid i unrhyw Aelod y mae ganddo, neu y mae'n disgwyl y bydd ganddo, neu hyd y gŵyr yr Aelod, y mae gan ei bartner neu y mae gan unrhyw blentyn dibynnol iddo, neu y maent yn disgwyl y bydd ganddynt, fuddiant y mae'n ofynnol ei gofrestru o dan Reol</p> | <p>Rheol Sefydlog newydd</p> <p>Mae'r Rheol Sefydlog hon yn atal unrhyw Aelod rhag bod yn aelod o bwyllgor a sefydlir i ystyried Bil Preifat penodol os oes gan yr Aelod</p> |

| | |
|---|---|
| <p>Sefydlog 2 y gellid barnu ei fod yn rhagfarnu ystyriaeth ddiduedd ar Fil Preifat, beidio â bod yn aelod o'r pwyllgor a sefydlir i ystyried y Bil hwnnw.</p> | <p>hwnnw (neu hyd y gŵyr yr Aelod hwnnw, os oes gan bartner yr Aelod neu blentyn dibynnol iddo) fuddiant, neu os disgwylir y bydd ganddynt fuddiant, y mae'n ofynnol ei gofrestru o dan Reol Sefydlog 2 y gellid barnu ei fod yn rhagfarnu ystyriaeth ddiduedd y Pwyllgor ar y Bil Preifat.</p> |
| <p>26A.29 Rhaid i unrhyw Aelod y cynigir ei enw i fod yn aelod o Bwyllgor Bil Preifat roi gwybod i'r Pwyllgor Busnes am unrhyw fuddiant o'r math y cyfeirir ato yn Rheol Sefydlog 26A.28 a hefyd am unrhyw fuddiant, heblaw buddiant o'r fath, sydd ganddo neu y mae'n disgwyl y bydd ganddo neu, hyd y gŵyr yr Aelod, sydd gan ei bartner neu sydd gan unrhyw blentyn dibynnol iddo, neu y maent yn disgwyl y bydd ganddynt, y gellid, ym marn yr Aelod hwnnw, farnu ei fod yn rhagfarnu ystyriaeth ddiduedd ar y Bil Preifat.</p> | <p>Rheol Sefydlog newydd</p> <p>O dan y Rheol Sefydlog hon, rhaid i unrhyw Aelod y cynigir ei enw i fod yn aelod o Bwyllgor Bil Preifat roi gwybod i'r Pwyllgor Busnes am unrhyw fuddiant (gan gynnwys buddiant nad yw'n ofynnol ei gofrestru o dan Reol Sefydlog 2) sydd ganddo neu y mae'n disgwyl y bydd ganddo neu (neu sydd gan bartner neu blentyn dibynnol iddo) neu y maent yn disgwyl y bydd ganddynt ac y gellid barnu ei fod yn rhagfarnu ystyriaeth ddiduedd ar y Bil Preifat.</p> |
| <p>26A.30 At ddibenion Rheolau Sefydlog 26A.28 a 26A.29, mae ystyron "partner" a "plentyn dibynnol" fel y'u diffiniwyd ym mharagraff 4 o'r Atodiad i Reol Sefydlog 2.</p> | <p>Rheol Sefydlog newydd</p> <p>Mae'r Rheol Sefydlog hon yn egluro ystyr "partner" a "plentyn dibynnol", a ddefnyddiwyd yn y Rheol Sefydlog flaenorol, ac yn cysoni eu diffiniadau â'r diffiniadau o dan Reol Sefydlog 2.</p> |
| <p>26A.31 Rhaid i unrhyw wybodaeth a roddir yn unol â Rheol Sefydlog 26A.29 ynglŷn ag Aelod y cynigir ei enw i fod yn aelod o Bwyllgor Bil Preifat gael ei gyhoeddi yr un pryd â'r cynnig i sefydlu'r pwyllgor</p> | <p>Rheol Sefydlog newydd</p> <p>Mae'r Rheol Sefydlog hon yn ei gwneud yn ofynnol i unrhyw wybodaeth a ddarperir o dan Reol Sefydlog 26A.28 gael ei chyhoeddi</p> |

| | |
|--|--|
| hwnnw. | yr un pryd â'r cynnig i sefydlu'r Pwyllgor Bil Preifat, er mwyn i'r Cynulliad fod yn ymwybodol o unrhyw fuddiant perthnasol cyn ethol Aelodau i'r pwyllgor. |
| 26A.32 Rhaid i bob aelod o Bwyllgor Bil Preifat, cyn cyfarfod cyntaf y pwyllgor hwnnw, gyflawni cwrs hyfforddi perthnasol fel y pennwyd gan y Llywydd. | <p>Rheol Sefydlog newydd</p> <p>Mae'r Rheol Sefydlog hon yn ei gwneud yn ofynnol i aelodau o Bwyllgor Bil Preifat ddilyn cwrs hyfforddi cyn ymgymryd â'u dyletswyddau.</p> |
| 26A.33 Rhaid i bob aelod o Bwyllgor Bil Preifat, yng nghyfarfod cyntaf y pwyllgor hwnnw, gytuno i weithredu'n ddiuedd, yn rhinwedd swydd yr Aelod hwnnw fel aelod o'r pwyllgor hwnnw, a seilio penderfyniadau ar y dystiolaeth a'r wybodaeth arall a ddarperir i'r pwyllgor hwnnw yn unig. | <p>Rheol Sefydlog newydd</p> <p>Mae'r Rheol Sefydlog hon yn ei gwneud yn ofynnol i bob aelod o Bwyllgor Bil Preifat gytuno i weithredu'n ddiuedd fel aelod o'r pwyllgor gan seilio penderfyniadau ar y dystiolaeth a'r wybodaeth a ddarperir yn unig.</p> |
| 26A.34 Rhaid i aelodau Pwyllgor Bil Preifat, heblaw o dan amgylchiadau eithriadol, fod yn bresennol yn holl gyfarfodydd y Pwyllgor Bil Preifat. | <p>Rheol Sefydlog newydd</p> <p>Mae'r Rheol Sefydlog hon yn ei gwneud yn ofynnol i aelodau Pwyllgor Bil Preifat fod yn bresennol yn holl gyfarfodydd y pwyllgor hwnnw, heblaw o dan amgylchiadau eithriadol. Mae hyn yn bwysig am fod rhan o rôl y pwyllgor yn lled-farnwrol yn yr ystyr ei bod yn golygu gwrando tystiolaeth gan hyrwyddwr y Bil Preifat ac unrhyw wrthwynebwyr. Os na fydd aelodau'n bresennol gall fod rhaid i'r pwyllgor ailwrando tystiolaeth sydd eisoes wedi'i chyflwyno i'r</p> |

| | |
|--|---|
| | pwyllgor (gweler Rheol Sefydlog 26A.34 isod). |
| <p>26A.35 Ni chaiff aelod o Bwyllgor Bil Preifat gymryd rhan mewn unrhyw drafodion ar y Bil Preifat oni bai:</p> <p>(i) bod yr holl dystiolaeth sy'n ymwneud â'r Bil Preifat hwnnw a roddwyd ar lafar yn ystod trafodion y pwyllgor wedi'i rhoi yng ngŵydd yr Aelod, neu</p> <p>(ii) gyda chytundeb yr hyrwyddwr ac unrhyw wrthwynebydd y mae'r dystiolaeth yn ymwneud ag ef, fod yr Aelod hwnnw wedi gweld recordiad neu wedi darllen trawsgrifiad o'r holl dystiolaeth nas rhoddwyd yng ngŵydd yr Aelod.</p> | <p>Rheol Sefydlog newydd</p> <p>Mae'r Rheol Sefydlog hon yn atal aelod o Bwyllgor Bil Preifat rhag cymryd rhan mewn trafodion ar Fil Preifat oni bai ei fod wedi bod yn bresennol ar gyfer y cyfan o'r dystiolaeth lafar, neu (gyda chaniatâd yr hyrwyddwyr ac unrhyw wrthwynebydd y mae'r dystiolaeth lafar honno'n berthnasol iddo) oni bai bod yr aelod wedi gweld recordiad o'r dystiolaeth neu wedi darllen y trawsgrifiad neu'r trawsgrifiadau perthnasol.</p> |
| <p>26A.36 Nid yw Rheolau Sefydlog 17.12, 17.17 na 17.48 yn gymwys i Bwyllgor Bil Preifat.</p> | <p>Rheol Sefydlog newydd</p> <p>Mae'r Rheol Sefydlog hon yn datgymhwyso'r Rheolau Sefydlog a ganlyn:</p> <p>Rheol Sefydlog 17.12 – Aelod yn peidio â bod yn aelod o bwyllgor os yw'n ymuno â grŵp gwleidyddol neu'n ymadael ag ef;</p> <p>Rheol Sefydlog 17.17 – sefydlu is-bwyllgorau;</p> <p>Rheol Sefydlog 17.48 – dirprwyon mewn cyfarfodydd pwyllgor.</p> |
| <p>26A.37 Nid yw Rheol Sefydlog 17.49 yn gymwys i Bwyllgor Bil Preifat,</p> | <p>Rheol Sefydlog newydd</p> |

| | |
|--|---|
| <p>ac eithrio wrth i'r pwyllgor ystyried trafodion ar welliannau.</p> | <p>Mae'r Rheol Sefydlog hon yn datgymhwysu Rheol Sefydlog 17.49 (cymryd rhan mewn cyfarfod pwyllgor gan Aelodau nad ydyn nhw'n aelodau o'r pwyllgor), ac eithrio pan fo'r pwyllgor wrthi'n ystyried trafodion ar welliannau. Os felly, mae Aelodau nad ydyn nhw'n aelodau o'r pwyllgor ond sydd wedi cyflwyno gwelliannau yn cael cymryd rhan mewn trafodion ar y gwelliannau hynny gyda chaniatâd y Cadeirydd, ond chân nhw ddim pleidleisio. Mae darpariaeth debyg yn cael ei gwneud ynglŷn â thrafodion ar welliannau yn ystod trafodion Cyfnod 2 ar Filiau Cyhoeddus.</p> |
| <p>Yr Ystyriaeth Gychwynnol</p> | <p>Is-bennawd newydd</p> <p>Yn dilyn fformat yr is-bennawd yn Rheol Sefydlog 26.</p> |
| <p>26A.38 Pan fydd y cyfnod gwrthwynebu a bennir yn Rheol Sefydlog 26A.13(iii) wedi dod i ben, rhaid i'r Pwyllgor Busnes gyfeirio Bil a osodwyd yn unol â Rheol Sefydlog 26A.8 at y Pwyllgor Bil Preifat a sefydlwyd yn unol â Rheol Sefydlog 26A.26 ("y pwyllgor"), iddo ystyried a ddylai'r Bil fynd rhagddo fel Bil Preifat a chyflwyno adroddiad ar hynny.</p> | <p>Rheol Sefydlog Newydd</p> <p>Mae'r Rheol Sefydlog hon yn ei gwneud yn ofynnol i'r Pwyllgor Busnes gyfeirio Bil sydd wedi'i osod o dan Reol Sefydlog 26A at Bwyllgor Bil Preifat er mwyn iddo bwyso a mesur a ddylai'r Bil fynd rhagddo fel Bil Preifat a chyflwyno adroddiad ar hynny.</p> |
| <p>26A.39 Wrth ystyried a ddylai Bil fynd rhagddo fel Bil Preifat, rhaid i'r pwyllgor ystyried:</p> <p>(i) a yw'r dogfennau sy'n cyd-fynd â'r Bil ac a osodwyd yn unol â</p> | <p>Rheol Sefydlog Newydd</p> <p>Mae'r Rheol Sefydlog hon yn nodi rhai o'r materion y dylai'r pwyllgor roi sylw arbennig iddyn nhw wrth ystyried a ddylai'r Bil gael caniatâd i</p> |

| | |
|---|---|
| <p>Rheol Sefydlog 26A.12, ym marn y pwyllgor, yn ddigonol i ganiatáu gwaith craffu priodol ar y Bil;</p> <p>(ii) a gynhaliodd yr hyrwyddwr ymgynghori digonol cyn i'r Bil gael ei gyflwyno;</p> <p>(iii) a yw darpariaethau'r Bil yn peri ei fod yn briodol i'w ystyried fel Bil Preifat yn unol â Rheol Sefydlog 26A, gan roi sylw penodol i'r canlynol:</p> <p>(a) i ba raddau y mae ei ddarpariaethau yn effeithio ar faterion o bolisi cyhoeddus;</p> <p>(b) i ba raddau y mae ei ddarpariaethau yn diwygio neu'n diddymu deddfwriaeth arall;</p> <p>(c) maint yr ardal y mae'n ymwneud â hi;</p> <p>(d) nifer a natur y buddiannau y mae'n effeithio arnynt.</p> | <p>fynd rhagddo fel Bil Preifat.</p> <p>Mae'r Pwyllgor hefyd yn cael rhoi sylw i unrhyw faterion eraill y mae'n credu eu bod yn berthnasol.</p> <p>Fel rhan o'i ystyriaeth, caiff y Pwyllgor ofyn am unrhyw wybodaeth y mae'n credu ei bod yn angenrheidiol gan bersonau a all fod â buddiant yn y mater.</p> |
| <p>26A.40 Os yw'n ymddangos i'r pwyllgor nad yw'r dogfennau sy'n cyd-fynd â'r Bil yn ddigonol i alluogi'r pwyllgor i gyflwyno adroddiad yn unol â Rheol Sefydlog 26A.38, caiff y pwyllgor, cyn cyflwyno adroddiad ynghylch a ddylai'r Bil fynd rhagddo fel Bil Preifat, ganiatáu unrhyw gyfnod rhesymol y mae'r pwyllgor yn credu ei fod yn briodol i'r hyrwyddwr ddarparu unrhyw wybodaeth arall sydd ym marn y pwyllgor yn angenrheidiol ("dogfennau ategol ychwanegol").</p> | <p>Rheol Sefydlog Newydd</p> <p>Mae'r Rheol Sefydlog hon yn galluogi'r pwyllgor i roi amser ychwanegol i'r hyrwyddwr i ddarparu rhagor o wybodaeth er mwyn helpu'r pwyllgor i gyflwyno adroddiad i ddweud a ddylai'r Bil fynd rhagddo fel Bil Preifat.</p> |
| <p>26A.41 Rhaid i unrhyw ddogfennau ategol ychwanegol gael eu gosod.</p> | <p>Rheol Sefydlog Newydd</p> <p>Mae'r Rheol Sefydlog hon yn ei gwneud yn ofynnol i unrhyw</p> |

| | |
|---|--|
| | wybodaeth sy'n cael ei darparu yn unol â Rheol Sefydlog 26A.39 gael ei gosod. |
| 26A.42 Ar ôl i'r pwyllgor gyflwyno'i adroddiad, caiff y Pwyllgor Busnes gyflwyno cynnig bod y Cynulliad yn cytuno i'r Bil fynd rhagddo fel Bil Preifat. | Rheol Sefydlog Newydd Mae'r Rheol Sefydlog hon yn ei gwneud yn ofynnol, ar ôl i'r pwyllgor gyflwyno'i adroddiad, i'r Pwyllgor Busnes gyflwyno cynnig bod y Cynulliad yn cytuno i'r Bil fynd rhagddo fel Bil Preifat. |
| 26A.43 Os cytunir ar gynnig o dan Reol Sefydlog 26A.42, mae'r Bil yn symud ymlaen i Ystyriaeth Fanwl y Pwyllgor. | Rheol Sefydlog Newydd Mae'r Rheol Sefydlog hon yn darparu i'r Bil symud ymlaen i'r cyfnod ystyried nesaf, 'Ystyriaeth Fanwl y Pwyllgor', os cytunir ar y cynnig a gyflwynwyd o dan y Rheol Sefydlog flaenorol. |
| 26A.44 Os na chytunir ar gynnig o dan Reol Sefydlog 26A.42, mae'r Bil yn methu. | Rheol Sefydlog Newydd Mae'r Rheol Sefydlog hon yn darparu bod y Bil yn methu os na chytunir ar gynnig sydd wedi'i gyflwyno o dan Reol Sefydlog 26A.41. |
| 26A.45 Mae'r Ystyriaeth Gychwynnol ar ben pan fydd y Cynulliad wedi cytuno y dylai'r Bil fynd rhagddo fel Bil Preifat neu pan fydd y Bil yn methu fel rhan o'r Ystyriaeth Gychwynnol. | Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol. |
| Ystyriaeth Fanwl y Pwyllgor | Is-bennawd newydd Yn dilyn fformat yr is-bennawd yn Rheol Sefydlog 26. |

| | |
|---|---|
| <p>26A.46 Mae Ystyriaeth Fanwl y Pwyllgor yn dechrau ar y diwrnod gwaith cyntaf ar ôl i'r Ystyriaeth Gychwynnol ddod i ben.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.47 Rhaid i'r trafodion adeg Ystyriaeth Fanwl y Pwyllgor gael eu hystyried gan y pwyllgor a sefydlwyd yn unol â Rheol Sefydlog 26A.26 ac a ystyriodd drafodion yr Ystyriaeth Gychwynnol ar y Bil Preifat.</p> | <p>Rheol Sefydlog Newydd</p> <p>Mae'r Rheol Sefydlog hon yn darparu i'r Pwyllgor Bil Preifat a ystyriodd y Bil Preifat adeg yr Ystyriaeth Gychwynnol ystyried y Bil adeg Ystyriaeth Fanwl y Pwyllgor.</p> |
| <p>26A.48 Adeg Ystyriaeth Fanwl y Pwyllgor, rhaid i'r pwyllgor:</p> <ul style="list-style-type: none"> (i) ystyried egwyddorion cyffredinol y Bil Preifat a chyflwyno adroddiad arnynt; (ii) ystyried unrhyw wrthwynebiadau derbyniadwy, heblaw unrhyw wrthwynebiad nad oes iddo, ym marn y pwyllgor, sail o sylwedd a chyflwyno adroddiad arnynt; a (iii) ystyried manylion y Bil Preifat yn unol â Rheolau Sefydlog 26A.55 i 26A.71 (gan gynnwys unrhyw welliannau derbyniadwy). | <p>Rheol Sefydlog Newydd</p> <p>Mae'r Rheol Sefydlog hon yn nodi rôl y Pwyllgor Bil Preifat adeg Ystyriaeth Fanwl y Pwyllgor, sef ystyried a chyflwyno adroddiad ar egwyddorion cyffredinol y Bil Preifat ac unrhyw wrthwynebiadau sy'n dderbyniadwy, ac wedyn craffu ar y Bil fesul llinell a gwaredu unrhyw welliannau sy'n dderbyniadwy.</p> <p>Mae'r Rheolau Sefydlog a ganlyn yn nodi drwy ba broses y mae'n rhaid i'r Pwyllgor gyflawni'r swyddogaethau hyn, gan gynnwys cyflwyno adroddiad ar yr egwyddorion cyffredinol a'r gwrthwynebiadau cyn symud ymlaen i ystyried gwelliannau a'u gwaredu.</p> |
| <p>26A.49 Mae gan y personau a ganlyn hawl i gael eu gwranddo gerbron y pwyllgor yn bersonol, neu i gael eu cynrychioli:</p> | <p>Rheol Sefydlog Newydd</p> <p>Mae'r Rheol Sefydlog hon yn nodi'r categorïau o bersonau sydd â hawl</p> |

| | |
|---|--|
| <p>(i) yr hyrwyddwr;</p> <p>(ii) unrhyw wrthwynebydd (yn ddarostyngedig i Reol Sefydlog 26A.52) sydd wedi cyflwyno gwrthwynebiad derbyniadwy y mae'r pwyllgor o'r farn bod iddo sail o sylwedd;</p> <p>(iii) aelod o'r llywodraeth;</p> <p>a chânt gymryd rhan yn y trafodion yn unol ag unrhyw ddyfarniadau gan y Cadeirydd.</p> | <p>i gael eu gwrandio gerbron y pwyllgor ac i gymryd rhan yn y trafodion.</p> |
| <p>26A.50 Caiff y Cadeirydd, wrth ddyfarnu ar sut y caiff gwrthwynebydd (neu berson arall) gymryd rhan yn y trafodion, gymryd i ystyriaeth natur y gwrthwynebiad neu'r sylwadau eraill ac i ba raddau y mae natur y cyfraniad hwnnw yn angenrheidiol er mwyn galluogi'r pwyllgor i ystyried y gwrthwynebiad a chyflwyno adroddiad arno.</p> | <p>Rheol Sefydlog Newydd</p> <p>Mae'r Rheol Sefydlog hon yn galluogi'r Cadeirydd i gymryd amrywiol ffactorau i ystyriaeth, a'r rheiny wedi'u nodi yn y Rheol Sefydlog, wrth ddyfarnu ar sut y caiff gwrthwynebydd gymryd rhan yn y trafodion.</p> |
| <p>26A.51 Caiff y Pwyllgor wahodd unrhyw bersonau eraill y mae'n barnu eu bod yn briodol i roi tystiolaeth.</p> | <p>Rheol Sefydlog Newydd</p> <p>Mae'r Rheol Sefydlog hon yn galluogi'r pwyllgor i alw personau heblaw'r rhai sydd wedi'u rhestru yn Rheol Sefydlog 26A.48 i roi tystiolaeth, os yw'r pwyllgor yn credu ei bod yn briodol gwneud hynny.</p> |
| <p>26A.52 Os yw'r pwyllgor o'r farn bod dau neu fwy o wrthwynebiadau yr un fath neu'n debyg i'w gilydd, caiff grwpio'r gwrthwynebiadau hynny gyda'i gilydd a dewis un neu ragor o wrthwynebwy'r o'r grŵp hwnnw i roi tystiolaeth ac i gymryd rhan fel arall mewn perthynas â'r</p> | <p>Rheol Sefydlog Newydd</p> <p>Mae'r Rheol Sefydlog hon yn galluogi'r pwyllgor i grwpio gwrthwynebiadau tebyg er mwyn gwahodd gwrthwynebwy'r i roi</p> |

| | |
|---|---|
| gwrthwynebiadau hynny. | tystiolaeth. |
| <p>26A.53 Os yw'r pwyllgor, wrth baratoi ei adroddiad o dan Reol Sefydlog 26A.48(i) a (ii), yn bwriadu argymhell newid yn y Bil Preifat a phe bai'r newid hwnnw, o'i wneud, ym marn pwyllgor, yn effeithio ar fuddiannau'r personau eraill y cyfeirir atynt yn Rheol Sefydlog 26A.54, caiff y Pwyllgor gymryd unrhyw gamau y mae'n barnu eu bod yn briodol er mwyn sicrhau y caiff y personau eraill hynny gyfle rhesymol i gyflwyno sylwadau i'r pwyllgor mewn perthynas â'r argymhelliad hwnnw.</p> | <p>Rheol Sefydlog Newydd</p> <p>Mae'r Rheol Sefydlog hon yn gymwys pan fo'r pwyllgor, wrth baratoi ei adroddiad ar egwyddorion cyffredinol y Bil Preifat a'r gwrthwynebiadau, yn bwriadu argymhell newid yn y Bil a fyddai'n effeithio ar fuddiannau "personau eraill" (sydd wedi'u diffinio yn Rheol Sefydlog 26A.53).</p> <p>Os felly, mae'r pwyllgor yn gallu cymryd camau priodol i sicrhau bod gan y personau eraill hynny gyfle rhesymol i gyflwyno sylwadau i'r pwyllgor ynghylch yr argymhelliad hwnnw.</p> <p>Gall y camau hyn gynnwys gofyn i'r hyrwyddwr gyhoeddi hysbysiad newydd a chaniatáu cyfnod newydd ar gyfer cyflwyno gwrthwynebiadau i'r newid arfaethedig.</p> |
| <p>26A.54 At ddibenion Rheol Sefydlog 26A.53, ystyr "personau eraill" yw:</p> <ul style="list-style-type: none"> (i) personau nad effeithiwyd ar eu buddiannau gan y Bil Preifat fel y'u cyflwynwyd ond y byddid yn effeithio ar eu buddiannau pe câi'r newidiadau arfaethedig eu gwneud yn y Bil Preifat, neu (ii) gwrthwynebwy'r presennol y byddid yn effeithio ar eu buddiannau i raddau helaethach neu mewn ffyrdd newydd pe | <p>Rheol Sefydlog Newydd</p> <p>Mae'r Rheol Sefydlog hon yn diffinio "personau eraill" at ddibenion y Rheol Sefydlog flaenorol.</p> |

| | |
|---|---|
| câi'r newidiadau arfaethedig eu gwneud yn y Bil Preifat, gan arwain at seiliau newydd o sylwedd dros wrthwynebu. | |
| 26A.55 Caniateir i Fil Preifat gael ei ddiwygio yn ystod Ystyriaeth Fanwl y Pwyllgor. | Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol. |
| 26A.56 Rhaid i 25 diwrnod gwaith o leiaf fynd heibio rhwng y diwrnod y gosodir yr adroddiad o dan Reol Sefydlog 26A.48(i) a (ii) a dyddiad y cyfarfod cyntaf y bydd y pwyllgor yn ystyried manylion y Bil Preifat ynddo yn unol â Rheol Sefydlog 26A.48(iii). | <p>Rheolau Sefydlog Newydd</p> <p>Mae Rheolau Sefydlog 26A.55-26A.60 yn gysylltiedig â'i gilydd.</p> <p>Mae Rheol Sefydlog 26A.55 yn darparu i 25 o ddiwrnodau gwaith fynd heibio rhwng y diwrnod pan fydd adroddiad y pwyllgor ar yr egwyddorion cyffredinol a'r gwrthwynebiadau yn cael ei osod a chyfarfod cyntaf y pwyllgor i waredu'r gwelliannau i'r Bil Preifat.</p> <p>Yn ystod y cyfnod hwn o 25 o ddiwrnodau gwaith—</p> <p>i. o fewn y 5 diwrnod gwaith cyntaf, caiff unrhyw Aelod gyflwyno cynnig na ddylai'r Bil Preifat fynd ymhellach (Rheol Sefydlog 26A.56). Os yw'r Pwyllgor wedi argymhell na chytunir ar egwyddorion cyffredinol y Bil Preifat, rhagwelir y byddai aelod o'r pwyllgor yn cyflwyno cynnig o'r fath er mwyn sicrhau cadarnhad y Cynulliad i'r farn honno;</p> <p>ii. os na fydd cynnig yn cael ei gyflwyno, bernir bod y Cynulliad wedi cytuno ag egwyddorion cyffredinol y Bil Preifat (Rheol Sefydlog 26A.57). Os felly, caiff y Pwyllgor Bil Preifat waredu'r gwelliannau i'r</p> |
| 26A.57 Heb fod yn hwyrach na phum diwrnod gwaith ar ôl i adroddiad y pwyllgor gael ei osod, caiff unrhyw Aelod gyflwyno cynnig na ddylai'r Bil Preifat fynd ymhellach. | |
| 26A.58 Os na chyflwynir cynnig o dan Reol Sefydlog 26A.57, bernir bod y Cynulliad wedi cytuno ag egwyddorion cyffredinol y Bil Preifat a rhaid i'r pwyllgor fynd rhagddo i waredu gwelliannau i'r Bil Preifat, yn unol â Rheol Sefydlog 26A.48(iii). | |
| 26A.59 Rhaid trefnu bod amser ar gael i gynnig a gyflwynir o dan Reol Sefydlog 26A.57 gael ei drafod o fewn 10 diwrnod gwaith ar ôl dyddiad cyflwyno'r cynnig (heb gyfrif diwrnodau gwaith mewn wythnos pan nad yw'r Cynulliad yn eistedd). | |

| | |
|--|---|
| <p>26A.60 Os cytunir â chynnig a gyflwynir o dan Reol Sefydlog 26A.57, mae'r Bil Preifat yn methu.</p> | <p>Bil.</p> |
| <p>26A.61 Os na chytunir â chynnig a gyflwynir o dan Reol Sefydlog 26A.55, bernir bod y Cynulliad wedi cytuno ag egwyddorion cyffredinol y Bil Preifat a rhaid i'r pwyllgor fynd rhagddo i waredu gwelliannau i'r Bil Preifat, yn unol â Rheol Sefydlog 26A.48(iii).</p> | <p>iii. pan fydd cynnig o'r fath yn cael ei gyflwyno, rhaid i'r Pwyllgor Busnes drefnu bod amser ar gael, o fewn 10 diwrnod gwaith ar ôl i'r cynnig gael ei gyflwyno, i'r Cynulliad drafod y cynnig (Rheol Sefydlog 26A.58). Nid yw diwrnodau gwaith mewn wythnos pan nad yw'r Cynulliad yn eistedd yn cyfrif at ddibenion y Rheol Sefydlog hon, er mwyn osgoi amserlennu dadl yn ystod toriad.</p> <p>iv. os bydd cynnig sy'n cael ei gyflwyno o dan Reol Sefydlog 26A.56 yn cael ei gytuno, mae'r Bil Preifat yn methu (Rheol Sefydlog 26A.59). Os na fydd cynnig o'r fath yn cael ei gytuno, bernir bod y Cynulliad wedi cytuno ag egwyddorion cyffredinol y Bil Preifat a rhaid i'r Pwyllgor symud ymlaen i waredu'r gwelliannau i'r Bil (Rheol Sefydlog 26A.60).</p> |
| <p>26A.62 Caniateir i welliannau i'w hystyried yn ystod Ystyriaeth Fanwl y Pwyllgor gael eu cyflwyno heb fod yn gynharach na'r diwrnod gwaith cyntaf ar ôl y diwrnod y gosododd y pwyllgor ei adroddiad o dan Reol Sefydlog 26A.48(i) a (ii).</p> | <p>Rheol Sefydlog Newydd</p> <p>Mae'r Rheol Sefydlog hon yn darparu y caniateir i welliannau i'r Bil Preifat gael eu cyflwyno o'r diwrnod gwaith cyntaf ar ôl i'r pwyllgor osod ei adroddiad ar yr egwyddorion cyffredinol a'r gwrthwynebiadau.</p> |
| <p>26A.63 O dan amgylchiadau eithriadol, caiff Cadeirydd y pwyllgor dderbyn gwelliant yn ystod Ystyriaeth Fanwl y Pwyllgor y rhoddwyd llai o hysbysiad ohono na'r hyn sy'n ofynnol o dan Reol Sefydlog 26A.98. Cyfeirir at welliant o'r fath fel "gwelliant hwyr".</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |

| | |
|--|--|
| <p>26A.64 Mae'r gwelliannau i gael eu gwaredu yn y drefn y mae'r adrannau a'r atodlenni y maent yn cyfeirio atynt yn codi yn y Bil Preifat, oni bai bod y pwyllgor wedi penderfynu fel arall.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.65 Dim ond Aelod sy'n aelod o'r pwyllgor a gaiff gymryd rhan yn nhrefodion y pwyllgor hwnnw at y dibenion a ganlyn:</p> <p>(i) cynnig gwelliant neu ofyn am gytundeb i dynnu gwelliant yn ôl; neu</p> <p>(ii) pleidleisio.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.65 Caniateir i welliant gan Aelod nad yw'n aelod o'r Pwyllgor gael ei gynnig gan aelod o'r pwyllgor.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.67 Os cyflwynir gwelliant i adran o'r Bil Preifat neu atodlen iddo, pan fydd y gwelliant olaf i'r adran honno neu'r atodlen honno wedi'i waredu, rhaid barnu bod y pwyllgor wedi cytuno â'r adran honno neu'r atodlen honno fel y'i diwygiwyd, neu fel arall, at ddibenion trafodion Ystyriaeth Fanwl y Pwyllgor.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.68 Os na chyflwynir gwelliant i adran o'r Bil Preifat neu atodlen iddo, bernir bod y pwyllgor wedi cytuno ar yr adran honno neu'r atodlen honno at ddibenion Ystyriaeth Fanwl y Pwyllgor.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau</p> |

| | |
|---|---|
| | Cyhoeddus, â diwygiad priodol. |
| 26A.69 Mae Ystyriaeth Fanwl y Pwyllgor ar ben pan fydd y gwelliant olaf wedi'i waredu neu pan fernir bod yr adran neu'r atodlen olaf wedi'i chytuno, pa un bynnag yw'r olaf. | Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol. |
| 26A.70 Os caiff Bil Preifat ei ddiwygio adeg Ystyriaeth Fanwl y Pwyllgor i fewnosod adran neu atodlen, neu i newid yn sylweddol ar unrhyw ddarpariaeth bresennol, caiff y pwyllgor ofyn i'r hyrwyddwr baratoi Memorandwm Esboniadol diwygiedig. | Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol. |
| 26A.71 Rhaid i unrhyw Femorandwm Esboniadol diwygiedig y gofynnir amdano o dan Reol Sefydlog 26A.70 gael ei osod o leiaf bum diwrnod gwaith cyn dyddiad cyfarfod cyntaf y Cynulliad sy'n ystyried trafodion Ystyriaeth Fanwl y Cynulliad. | Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol. |
| Ystyriaeth Fanwl y Cynulliad | Is-bennawd newydd Yn dilyn fformat yr is-bennawd yn Rheol Sefydlog 26. |
| 26A.72 Mae Ystyriaeth Fanwl y Cynulliad yn dechrau ar y diwrnod gwaith cyntaf ar ôl i Ystyriaeth Fanwl y Pwyllgor ddod i ben. | Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol. |

| | |
|--|--|
| <p>26A.73 Rhaid i 15 diwrnod gwaith o leiaf fynd hebio rhwng y diwrnod y mae Ystyriaeth Fanwl y Cynulliad yn dechrau a dyddiad cyfarfod cyntaf y Cynulliad sy'n ystyried trafodion Ystyriaeth Fanwl y Cynulliad.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.74 Rhaid i Ystyriaeth Fanwl y Cynulliad gael ei hystyried gan y Cynulliad mewn cyfarfod llawn.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.75 Caniateir i Fil Preifat gael ei ddiwygio adeg Ystyriaeth Fanwl y Cynulliad.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.76 Caniateir i welliannau i'w hystyried adeg Ystyriaeth Fanwl y Cynulliad gael eu cyflwyno gan unrhyw Aelod o'r diwrnod cyntaf y bydd y cyfnod yn dechrau.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.77 Caiff y Llywydd ddethol y gwelliannau hynny yr ymdrinnir â hwy adeg Ystyriaeth Fanwl y Cynulliad.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.78 Mae'r gwelliannau i gael eu gwaredu yn y drefn y mae'r adrannau a'r atodlenni y maent yn cyfeirio atynt yn codi yn y Bil</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau</p> |

| | |
|---|--|
| <p>Preifat, oni bai bod y Cynulliad wedi penderfynu fel arall drwy gynnig gan y Pwyllgor Busnes (yn unol â Rheol Sefydlog 11.7(ii)).</p> | <p>Cyhoeddus, â diwygiad priodol.</p> |
| <p>26A.79 Drwy gynnig heb hysbysiad gan y Pwyllgor Busnes (yn unol â Rheol Sefydlog 11.7(ii)), caiff y Cynulliad gytuno ar un neu fwy o derfynau amser sydd i fod yn gymwys mewn dadleuon ar welliannau (fel y maent wedi'u grwpio gan y Llywydd).</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.80 Os derbynnir cynnig o dan Reol Sefydlog 26A.79, rhaid i'r dadleuon ar y grwpiau hynny o welliannau gael eu gorffen erbyn y terfynau amser a bennwyd yn y cynnig, ac eithrio i'r graddau y mae'r Llywydd yn barnu eu bod yn angenrheidiol:</p> <ul style="list-style-type: none"> (i) am fod peidio â chynnig gwelliant wedi arwain at newid trefn trafod y grwpiau; neu (ii) i atal unrhyw ddadl ar grŵp o welliannau sydd eisoes wedi dechrau pan gyrhaeddir y terfyn amser rhag cael ei chwtdogi'n afresymol. | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.81 Dim ond os ydynt, yn ychwanegol at y meini prawf yn Rheol Sefydlog 26A.100, wedi'u bwriadu ar gyfer y canlynol—</p> <ul style="list-style-type: none"> (i) egluro geiriad darpariaeth yn y Bil Preifat (gan gynnwys dileu anghysondebau yn y testunau Cymraeg a Saesneg neu rhyngddynt), neu (ii) rhoi eu heffaith i ymrwymadau a roddwyd ar ran yr | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus (Rheol Sefydlog 26.41), â diwygiadau priodol. Mae'r rhain yn cynnwys cyfeiriad at roi eu heffaith i argymhellion gan y pwyllgor yn ei adroddiad ar egwyddorion cyffredinol y Bil Preifat a'r</p> |

| | |
|---|--|
| <p>hyrwyddwr adeg Ystyriaeth Fanwl y Pwyllgor, neu (iii) rhoi eu heffaith i unrhyw argymhellion a wnaed gan y pwyllgor yn ei adroddiad o dan Reol Sefydlog 26A.48(i) a (ii), y mae gwelliannau adeg Ystyriaeth Fanwl y Cynulliad yn dderbyniadwy.</p> | <p>gwrthwynebiadau.</p> <p>Effaith y Rheol Sefydlog hon yw cyfyngu'r mathau o welliannau a all gael eu cyflwyno adeg Ystyriaeth Fanwl y Cynulliad i'r rheiny sydd naill ai'n dechnegol eu natur, neu yn rhoi eu heffaith i ymrwymadau neu argymhellion a wnaed yn ystod cyfnod y pwyllgor.</p> |
| <p>26A.82 Os cyflwynir gwelliant i adran o'r Bil Preifat neu atodlen iddo, pan fydd y gwelliant olaf i'r adran honno neu'r atodlen honno wedi'i waredu, rhaid barnu bod y Cynulliad wedi derbyn yr adran honno neu'r atodlen honno fel y'i diwygiwyd, neu fel arall, at ddibenion Ystyriaeth Fanwl y Cynulliad.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.83 Os na chyflwynir gwelliant i adran neu atodlen, bernir bod y Cynulliad wedi derbyn yr adran honno neu'r atodlen honno at ddibenion trafodion Ystyriaeth Fanwl y Cynulliad.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.84 Mae Ystyriaeth Fanwl y Cynulliad ar ben pan fydd y gwelliant olaf wedi'i waredu neu pan fernir bod yr adran neu'r atodlen olaf wedi'i derbyn, pa un bynnag yw'r olaf.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>Y Cyfnod Terfynol</p> | <p>Is-bennawd newydd</p> <p>Yn dilyn fformat yr is-bennawd yn Rheol Sefydlog 26.</p> |

| | |
|---|---|
| <p>26A.85 Rhaid i Gyfnod Terfynol Bil Preifat gael ei gymryd gan y Cynulliad mewn cyfarfod llawn.</p> | <p>Rheol Sefydlog Newydd</p> <p>Mae'r Rheol Sefydlog hon yn cadarnhau bod rhai i gyfnod olaf y broses ar Fil Preifat ddigwydd yn y cyfarfod llawn.</p> |
| <p>26A.86 Yn ddarostyngedig i Reol Sefydlog 26A.88, caiff unrhyw Aelod, heb fod yn gynharach na phum diwrnod gwaith ar ôl cwblhau Ystyriaeth Fanwl y Cynulliad, gyflwyno cynnig bod y Bil Preifat yn cael ei basio.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, ac eithrio bod y Rheol Sefydlog hon yn darparu i 5 diwrnod gwaith fynd heibio rhwng gorffen Ystyriaeth Fanwl y Cynulliad a'r Cyfnod Terfynol.</p> <p>Y bwriad yw caniatáu rhywfaint o amser i hyrwyddwr y Bil Preifat ystyried a ddylai fynd â'r Bil i'r cyfnod terfynol ynteu ei dynnu'n ôl. Hefyd, gan na fydd 'Aelod Cyfrifol' y Bil yn bresennol yn y Siambr, mae hyn yn golygu nad yw'n ymarferol i gynnig gael ei wneud heb roi hysbysiad.</p> |
| <p>26A.87 Ni chaniateir gwneud gwelliannau i gynnig y dylai Bil Preifat gael ei basio.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.88 Ni chaniateir gwneud cynnig bod Bil Preifat yn cael ei basio oni bai bod testun y Bil Preifat ar gael yn Gymraeg ac yn Saesneg.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau</p> |

| | |
|---|---|
| | Cyhoeddus, â diwygiad priodol. |
| 26A.89 Ni chaniateir gwneud cynnig o dan Reol Sefydlog 12.31(ii) mewn unrhyw drafodion Cyfnod Terfynol. | Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol. |
| Ailystyried Biliau Preifat a Basiwyd | Is-bennawd newydd Yn dilyn fformat yr is-bennawd yn Rheol Sefydlog 26. |
| 26A.90 Ar ôl i'r Bil Preifat gael ei basio, caiff unrhyw Aelod wneud cynnig y dylai'r Cynulliad ailystyried y Bil Preifat, neu unrhyw ddarpariaeth ynddo: (i) os oes cwestiwn ynglŷn â'r Bil Preifat wedi'i gyfeirio at y Goruchaf Lys o dan adran 112 o'r Ddeddf; (ii) os oes cyfeiriad i gael dyfarniad rhagarweiniol (o fewn ystyr adran 113(1)(b) o'r Ddeddf) wedi'i wneud gan y Goruchaf Lys mewn cysylltiad â'r cyfeiriad hwnnw; a (iii) os nad yw'r naill gyfeiriad na'r llall wedi'i benderfynu neu wedi'i waredu fel arall. | Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol. |
| 26A.91 Caiff unrhyw Aelod wneud cynnig y dylai'r Cynulliad ailystyried y Bil Preifat: (i) os bydd y Goruchaf Lys yn penderfynu na fyddai'r Bil Preifat | Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol. |

| | |
|--|--|
| <p>neu unrhyw ddarpariaeth ynddo o fewn cymhwysedd deddfwriaethol y Cynulliad; neu</p> <p>(ii) os gwneir gorchymyn mewn perthynas â'r Bil Preifat o dan adran 114 o'r Ddeddf.</p> | |
| <p>26A.92 Rhaid i'r trafodion yn y Cyfnod Ailystyried gael eu hystyried gan y Cynulliad mewn cyfarfod llawn.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.93 Ni chaniateir gwneud gwelliannau i Fil Preifat yn y Cyfnod Ailystyried oni bai bod y gwelliannau, yn ychwanegol at feini prawf Rheol Sefydlog 26A.100, ac ym marn y Llywydd, wedi'u bwriadu dim ond i ddatrys y mater sy'n destun y canlynol:</p> <p>(i) y cyfeiriad at y Goruchaf Lys i gael dyfarniad rhagarweiniol;</p> <p>(ii) penderfyniad y Goruchaf Lys; neu</p> <p>(iii) y Gorchymyn o dan adran 114 o'r Ddeddf.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.94 Oni bai bod y Cynulliad wedi penderfynu, drwy gynnig gan y Pwyllgor Busnes, ym mha drefn y mae'r gwelliannau i gael eu gwaredu, rhaid eu gwaredu yn y drefn y mae'r darpariaethau y maent yn cyfeirio atynt yn codi yn y Bil Preifat.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.95 Caiff unrhyw Aelod gynnig bod y Cynulliad yn cymeradwyo Bil Preifat a ddiwygiwyd wrth gael ei ailystyried. Ni chaniateir gwneud</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau</p> |

| | |
|---|---|
| gwelliannau i gynnig o'r fath. | Cyhoeddus, â diwygiad priodol. |
| Gwelliannau i Filiau Preifat | Is-bennawd newydd Yn dilyn fformat yr is-bennawd yn Rheol Sefydlog 26. |
| 26A.96 Mae Rheolau Sefydlog 26A.97 i 26A.105 yn gymwys i drafodion Ystyriaeth Fanwl y Pwyllgor, i drafodion Ystyriaeth Fanwl y Cynulliad ac i drafodion y Cyfnod Ailystyried. | Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol. |
| 26A.97 Rhaid i'r Llywydd benderfynu ar ffurf briodol gwelliannau i Fil Preifat. | Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol. |
| 26A.98 Ni chaniateir ystyried gwelliant, ac eithrio gwelliant hwyr, oni bai ei fod wedi'i gyflwyno bum diwrnod gwaith cyn iddo gael ei ystyried. | Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol. |
| 26A.99 Caiff unrhyw Aelod ychwanegu ei enw i welliant (ac eithrio gwelliant hwyr) drwy hysbysu'r Clerc ar unrhyw adeg hyd at ddiwedd y diwrnod gwaith cyn bod y gwelliant i fod i gael ei ystyried. | Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol. |
| 26A.100 Nid yw gwelliant yn dderbyniadwy: (i) os nad yw ar ei ffurf briodol yn unol â Rheol Sefydlog 26A.97; | Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau |

| | |
|--|--|
| <p>(ii) os nad yw'n berthnasol i'r Bil Preifat neu i ddarpariaethau'r Bil Preifat y byddai'n ei ddiwygio;</p> <p>(iii) os yw'n anghyson â'r egwyddorion cyffredinol fel yr adroddwyd arnynt gan y pwyllgor ac fel y bernir y cytunwyd arnynt gan y Cynulliad; neu</p> <p>(iv) os yw'n anghyson â phenderfyniad sydd eisoes wedi'i wneud yn y cyfnod pryd y mae'r gwelliant yn cael ei gynnig.</p> | <p>Cyhoeddus, â diwygiad priodol.</p> |
| <p>26A.101 Caniateir cyflwyno gwelliant i welliant ac, o'i ddethol, rhaid iddo gael ei waredu cyn y gwelliant y byddai'n ei ddiwygio, a rhaid i Reolau Sefydlog 26A.97 i 26A.105 fod yn gymwys yn unol â hynny.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.102 Yn ddarostyngedig i Reol Sefydlog 26A.65, caniateir i welliant (ac eithrio gwelliant hwyr) gael ei dynnu'n ôl gan yr Aelod a'i cyflwynodd ar unrhyw adeg cyn y diwrnod y mae'n cael ei ystyried ond dim ond gyda chytundeb unfrydol unrhyw Aelodau sydd wedi ychwanegu eu henwau i'r gwelliant. Os na sicrheir cytundeb o'r fath, daw'r gwelliant yn welliant yn enw'r Aelod cyntaf a ychwanegodd ei enw i'r gwelliant ac nad yw'n cytuno i'r gwelliant gael ei dynnu'n ôl.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.103 Caiff Cadeirydd y pwyllgor neu'r Llywydd, yn ôl fel y digwydd, grwpio gwelliannau at ddibenion dadleuon fel y gwêl yn dda. Ni chaniateir i welliant a drafodwyd fel rhan o grŵp gael ei drafod eto pan ddaw'n amser ei waredu.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |

| | |
|--|--|
| <p>26A.104 Os na fydd Aelod a gyflwynodd welliant yn cynnig y gwelliant pan ddaw'n amser trafod y gwelliant hwnnw, caniateir i'r gwelliant gael ei gynnig:</p> <ul style="list-style-type: none"> (i) yn y pwyllgor adeg Ystyriaeth Fanwl y Pwyllgor, gan aelod o'r pwyllgor; neu (ii) yn nhrefodion Ystyriaeth Fanwl y Cynulliad, neu yn nhrefodion y Cyfnod Ailystyried, gan unrhyw Aelod arall. | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.105 Caniateir i welliant sydd wedi'i gynnig gael ei dynnu'n ôl gan yr Aelod a'i cynigiodd, ond dim ond:</p> <ul style="list-style-type: none"> (i) yn y pwyllgor adeg Ystyriaeth Fanwl y Pwyllgor, os na fydd aelod o'r pwyllgor yn gwrthwynebu; neu (ii) yn nhrefodion Ystyriaeth Fanwl y Cynulliad, neu yn nhrefodion y Cyfnod Ailystyried, os na fydd Aelod yn gwrthwynebu. | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>Newid Hyrwyddwr</p> | <p>Is-bennawd newydd</p> <p>Yn dilyn fformat yr is-bennawd yn Rheol Sefydlog 26.</p> |
| <p>26A.106 Mae Rheolau Sefydlog 26A.107 i 26A.112 yn gymwys pan na fydd yr hyrwyddwr, cyn i Ystyriaeth Fanwl y Pwyllgor ddod i ben, mwyach yn dymuno neu yn gallu sicrhau'r pwerau neu'r manteision a roddir gan y Bil hwnnw, a bod unigolyn, corff corfforaethol neu gymdeithas anghorfforedig o bersonau ("yr hyrwyddwr newydd") yn</p> | <p>Rheol Sefydlog Newydd</p> <p>Mae'r Rheol Sefydlog hon yn darparu bod Rheolau Sefydlog 26A.106 i 26A.111 yn gymwys os bydd yr hyrwyddwr yn newid.</p> |

| | |
|---|---|
| dymuno sicrhau'r pwerau neu'r manteision hynny. | |
| 26A.107 Rhaid i'r hyrwyddwr newydd, cyn gynted ag y bo'n rhesymol ymarferol, osod memorandwm sy'n nodi'r rhesymau dros newid hyrwyddwr ac amgylchiadau newid hyrwyddwr. | <p>Rheol Sefydlog Newydd</p> <p>Mae'r Rheol Sefydlog hon yn ei gwneud yn ofynnol i'r hyrwyddwr newydd osod memorandwm ynglŷn â'r newid hyrwyddwr.</p> |
| 26A.108 Rhaid i'r pwyllgor, gan gymryd i ystyriaeth y memorandwm a osodir o dan Reol Sefydlog 26A.107 ac unrhyw wybodaeth arall gan yr hyrwyddwr newydd y mae'r pwyllgor yn gofyn amdani, ystyried goblygiadau'r newid hyrwyddwr ar gyfer hawliau a buddiannau'r gwrthwynebwyr, personau eraill ac ar gyfer cynnydd y Bil Preifat. | <p>Rheol Sefydlog Newydd</p> <p>Mae'r Rheol Sefydlog hon yn ei gwneud yn ofynnol i'r pwyllgor ystyried goblygiadau'r newid hyrwyddwr ar gyfer hawliau a buddiannau'r gwrthwynebwyr ac ar gyfer cynnydd y Bil Preifat.</p> |
| <p>26A.109 Caiff y pwyllgor, os yw o'r farn bod hynny'n briodol er mwyn amddiffyn hawliau neu fuddiannau gwrthwynebwyr neu bersonau eraill, neu er mwyn sicrhau gwaith craffu priodol ar y Bil Preifat:</p> <ul style="list-style-type: none"> (i) ei gwneud yn ofynnol i'r hyrwyddwr newydd osod dogfennau ategol ychwanegol; (ii) ei gwneud yn ofynnol i'r hyrwyddwr newydd roi unrhyw ymrwymadau y mae'r pwyllgor o'r farn eu bod yn briodol; (iii) ei gwneud yn ofynnol i'r trafodion ar y Bil Preifat adeg Ystyriaeth Fanwl y Pwyllgor, neu i ran o'r trafodion hynny, ddechrau eto; (iv) cyflwyno adroddiad i'r Cynulliad ar oblygiadau'r newid | <p>Rheol Sefydlog Newydd</p> <p>Mae'r Rheol Sefydlog hon yn galluogi'r pwyllgor i fynnu dogfennau penodol oddi wrth yr hyrwyddwr newydd ac unrhyw ymrwymiad y mae'r pwyllgor yn barnu ei fod yn briodol. Mae hefyd yn galluogi'r pwyllgor i fynnu bod trafodion, neu ran o'r trafodion, ar y Bil Preifat yn dechrau eto a chyflwyno adroddiad i'r Cynulliad gydag argymhelliad na ddylai'r Bil Preifat fynd rhagddo gyda'r hyrwyddwr newydd.</p> |

| | |
|--|--|
| hyrwyddwr, gydag argymhelliad na ddylai'r Bil Preifat fynd rhagddo gyda'r hyrwyddwr newydd. | |
| 26A.110 Rhaid i adroddiad o dan Reol Sefydlog 26A.109(iv) gael ei ystyried gan y Cynulliad drwy gynnig gan Gadeirydd y pwyllgor. | Rheol Sefydlog Newydd Mae'r Rheol Sefydlog hon yn darparu i adroddiad gan y pwyllgor o dan y Rheol Sefydlog flaenorol gael ei ystyried gan y Cynulliad, drwy gynnig gan y Cadeirydd. |
| 26A.111 Os cytunir ar gynnig o dan Reol Sefydlog 26A.110, mae'r Bil Preifat yn methu. | Rheol Sefydlog Newydd Mae'r Rheol Sefydlog hon yn darparu bod y Bil Preifat yn methu os cytunir ar gynnig o dan Reol Sefydlog 26A.109. |
| 26A.112 Os na chytunir ar gynnig o dan Reol Sefydlog 26A.110, rhaid i'r pwyllgor neu'r Cynulliad barhau i ystyried y Bil Preifat. | Rheol Sefydlog Newydd Mae'r Rheol Sefydlog hon yn darparu i'r pwyllgor barhau i ystyried y Bil Preifat os na chytunir ar gynnig o dan Reol Sefydlog 26A.109. |
| Cydsyniad Ei Mawrhydi a Dug Cernyw | Is-bennawd newydd Yn dilyn fformat yr is-bennawd yn Rheol Sefydlog 26. |
| 26A.113 Os yw Bil Preifat yn cynnwys darpariaeth, neu'n cael ei ddiwygio i gynnwys unrhyw ddarpariaeth a fyddai, pe bai'r Bil Preifat yn Fil ar gyfer Deddf Senedd y Deyrnas Unedig, yn gofyn cydsyniad Ei Mawrhydi neu gydsyniad Dug Cernyw, rhaid i'r Cynulliad beidio â | Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol. |

| | |
|---|---|
| <p>trafod y cwestiwn a ddylai'r Bil Preifat gael ei basio (neu ei gymeradwyo yn dilyn y Cyfnod Ailystyried) oni bai bod y cydsyniad hwnnw ar gyfer y ddarpariaeth honno wedi'i ddynodi gan aelod o'r llywodraeth yn ystod y trafodion ar y Bil Preifat mewn cyfarfod o'r Cynulliad.</p> | |
| <p>Penderfyniadau Ariannol</p> | <p>Is-bennawd newydd Yn dilyn fformat yr is-bennawd yn Rheol Sefydlog 26.</p> |
| <p>26A.114 Rhaid i'r Llywydd benderfynu ym mhob achos a oes angen penderfyniad ariannol ar gyfer Bil Preifat o dan Reolau Sefydlog 26A.115 i 26A.120.</p> | <p>Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.115 Os yw Bil Preifat yn cynnwys darpariaeth:</p> <ul style="list-style-type: none"> (i) sy'n codi gwariant ar Gronfa Gyfunol Cymru; neu (ii) y byddai ei heffaith debygol yn arwain at: <ul style="list-style-type: none"> (a) cynnydd arwyddocaol yn y gwariant a godir ar y Gronfa honno; (b) gwariant arwyddocaol sy'n daladwy o'r Gronfa honno ar wasanaeth neu ddiben newydd; neu (c) cynnydd arwyddocaol yn y gwariant sy'n daladwy o'r Gronfa honno ar wasanaeth neu ddiben presennol, ni chaniateir cymryd dim trafodion ar y Bil Preifat mewn unrhyw | <p>Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |

| | |
|--|--|
| <p>Gyfnod ar ôl i'r Pwyllgor Bil Preifat gyflwyno adroddiad yn unol â Rheol Sefydlog 26A.48(i) a (ii) oni bai bod y Cynulliad wedi cytuno, drwy benderfyniad ariannol, y caniateir i'r gwariant neu'r cynnydd yn y gwariant gael ei godi ar y Gronfa honno neu, yn ôl fel y digwydd, ei dalu ohoni.</p> | |
| <p>26A.116 Os yw:</p> <ul style="list-style-type: none"> (i) Bil Preifat yn cynnwys unrhyw ddarpariaeth sy'n gosod neu'n cynyddu (neu sy'n rhoi pŵer i osod neu i gynyddu) unrhyw dâl, neu fel arall yn ei gwneud yn ofynnol (neu'n rhoi pŵer i'w gwneud yn ofynnol) i unrhyw daliad gael ei wneud; a (ii) yn ofynnol, gan neu o dan adran 120(1) o'r Ddeddf, i'r person y mae'r tâl neu'r taliad yn daladwy iddo dalu symiau a dderbynnir i Gronfa Gyfunol Cymru (neu os byddai'n ofynnol gwneud hynny heblaw am unrhyw ddarpariaeth a wnaed o dan adran 120(2)), <p>ni chaniateir cymryd dim trafodion ar y Bil Preifat mewn unrhyw Gyfnod ar ôl i'r Pwyllgor Bil Preifat gyflwyno adroddiad yn unol â Rheol Sefydlog 26A.48(i) a (ii) oni bai bod y Cynulliad, drwy benderfyniad ariannol, wedi cytuno â'r tâl, y cynnydd neu'r taliad.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.117 Mewn perthynas â Rheol Sefydlog 26A.116:</p> <ul style="list-style-type: none"> (i) bydd yn gymwys dim ond os yw'r tâl, y cynnydd yn y tâl neu'r | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau</p> |

| | |
|---|--|
| <p>taliad yn arwyddocaol; a</p> <p>(ii) ni fydd yn gymwys os yw'r tâl, y cynnydd yn y tâl neu'r taliad:</p> <p>(a) yn ymwneud â darparu nwyddau ac yn rhesymol o'i gymharu â'r nwyddau a ddarperir; neu</p> <p>(b) wedi'i gyfeirio'n gyfan gwbl neu'n bennaf at adennill cost darparu unrhyw wasanaeth y mae'r tâl yn cael ei osod ar ei gyfer neu y mae'n ofynnol gwneud y taliad ar ei gyfer.</p> | <p>Cyhoeddus, â diwygiad priodol.</p> |
| <p>26A.118 Os byddai gwelliant (neu welliannau) i Fil Preifat, o'i dderbyn (neu o'u derbyn), yn golygu y byddai angen penderfyniad ariannol ar gyfer y Bil Preifat na fyddai ei angen fel arall, ni chaniateir cymryd dim trafodion ar y gwelliant (neu'r gwelliannau) oni bai bod y Cynulliad wedi derbyn cynnig ar gyfer penderfyniad ariannol o'r fath.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.119 Dim ond aelod o'r llywodraeth a gaiff wneud cynnig ar gyfer penderfyniad ariannol. Ni chaniateir gwneud gwelliannau i gynnig o'r fath.</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.120 Oni bai:</p> <p>(i) bod hysbysiad ynglŷn â chynnig ar gyfer unrhyw benderfyniad ariannol y gofynnir amdano mewn perthynas â Bil Preifat gan Reolau Sefydlog 26A.115 neu 26A.116 yn cael ei gyflwyno o</p> | <p>Rheol Sefydlog Newydd</p> <p>Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |

| | |
|---|---|
| <p>fewn chwe mis ar ôl y dyddiad y mae'r Pwyllgor Bil Preifat wedi cyflwyno adroddiad yn unol â Rheol Sefydlog 26A.48(i) a (ii); a (ii) bod y cynnig yn cael ei dderbyn, mae'r Bil Preifat yn methu.</p> | |
| <p>Hysbysu ynghylch Cydsyniad Brenhinol i Ddeddfau Preifat y Cynulliad</p> | <p>Is-bennawd newydd Yn dilyn fformat yr is-bennawd yn Rheol Sefydlog 26.</p> |
| <p>26A.121 Rhaid i'r Clerc hysbysu'r Cynulliad ynglŷn â'r dyddiad y bydd Deddf Breifat Cynulliad yn cael y Cydsyniad Brenhinol.</p> | <p>Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>Biliau Preifat yn Methu, yn Cael eu Gwrthod neu'n Cael eu Tynnu'n ôl</p> | <p>Is-bennawd newydd Yn dilyn fformat yr is-bennawd yn Rheol Sefydlog 26.</p> |
| <p>26A.122 Os bydd Bil Preifat yn methu neu'n cael ei wrthod gan y Cynulliad, rhaid peidio â chymryd dim trafodion pellach ar y Bil Preifat hwnnw a rhaid peidio â chyflwyno Bil Preifat sydd, ym marn y Llywydd, yn yr un telerau neu delerau tebyg, yn yr un Cynulliad o fewn y cyfnod o chwe mis ar ôl y dyddiad y methodd y Bil Preifat neu y cafodd ei wrthod.</p> | <p>Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol.</p> |
| <p>26A.123 Mae Bil Preifat yn methu os nad yw wedi'i basio neu wedi'i</p> | <p>Rheol Sefydlog Newydd</p> |

| | |
|---|---|
| gymeradwyo gan y Cynulliad cyn diwedd y Cynulliad y'i cyflwynwyd ynddo. | Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol. |
| 26A.124 Caniateir i Fil Preifat gael ei dynnu'n ôl ar unrhyw adeg gan yr hyrwyddwr. | Rheol Sefydlog Newydd Yn dyblygu'r ddarpariaeth yn Rheol Sefydlog 26 ynglŷn â Biliau Cyhoeddus, â diwygiad priodol. |

Newidiadau Canlyniadol i Reolau Sefydlog (RhS 15.1)

| RHEOL SEFYDLOG 15 – Gweithdrefnau Gosod a Chyflwyno | |
|--|--|
| <p>15.1 Caniateir i'r dogfennau canlynol neu'r categorïau canlynol o ddogfennau gael eu gosod gerbron y Cynulliad:</p> <ul style="list-style-type: none"> (i) dogfen y mae unrhyw ddeddfiad yn pennu bod yn rhaid ei gosod gerbron y Cynulliad neu y caniateir ei gosod gerbron y Cynulliad neu ddogfen sy'n dod o fewn telerau adran 86 o'r Ddeddf neu baragraffau 36 neu 37 o Atodlen 11 iddi; (ii) deddfwriaeth neu ddeddfwriaeth arfaethedig neu ddrafft y mae'n ofynnol ei gosod o dan Reolau Sefydlog 25, 26, <u>26A</u>, 27 neu 28; (iii) unrhyw adroddiad a wneir gan un o bwyllgorau'r Cynulliad ac y mae'r pwyllgor hwnnw wedi cytuno y dylid ei gyflwyno i'r | <p>Diwygio'r Rheol Sefydlog</p> <p>Diwygir is-bwynt (ii) i gynnwys deddfwriaeth y mae gofyn iddi gael ei gosod yn unol â Rheol Sefydlog 26A fel categori o ddogfen y gellir ei gosod gerbron y Cynulliad.</p> |

| | |
|--|--|
| <p>Cynulliad, ac eithrio unrhyw adroddiad y mae (iv) isod yn gymwys iddo;</p> <p>(iv) unrhyw ddogfen arall a bennir mewn man arall yn y Rheolau Sefydlog y mae'n ofynnol ei gosod yn unol â'r gofynion penodol mewn Rheol Sefydlog; a</p> <p>(v) unrhyw ddogfen arall, neu unrhyw gategori arall o ddogfen, y mae'r Cynulliad yn ei gwneud yn ofynnol iddynt gael eu gosod, drwy benderfyniad mewn cyfarfod llawn.</p> | |
|--|--|

Atodiad B – Rheolau Sefydlog Newydd: Biliau Preifat

Rheol Sefydlog 26A – Deddfau Preifat y Cynulliad

Biliau Preifat

- 26A.1 At ddibenion Rheol Sefydlog 26A, mae Bil Preifat yn Fil a gyflwynir er mwyn sicrhau i berson unigol, corff corfforaethol neu gymdeithas anghorfforedig o bersonau (“yr hyrwyddwr”) bwerau neu fanteision penodol sy’n fwy na’r gyfraith gyffredinol, neu sy’n gwrthdaro â hi.
- 26A.2 Mae Rheol Sefydlog 26A yn gymwys i unrhyw Fil Preifat heblaw un y bwriedir i’w ddarpariaethau awdurdodi neu hwyluso unrhyw waith adeiladu neu awdurdodi prynu’n orfodol unrhyw ystâd neu fuddiant mewn tir neu dros dir. At y dibenion hyn, rhaid peidio â barnu bod trosglwyddo unrhyw ystâd neu fuddiant mewn tir neu dros dir sy’n rhan o asedau person neu gorff sy’n arfer swyddogaethau o natur gyhoeddus i berson neu gorff arall sydd hefyd yn arfer swyddogaethau o natur gyhoeddus yn golygu prynu’r ystâd honno neu’r buddiant hwnnw yn orfodol.

Caniatâd i Gyflwyno Bil Preifat

- 26A.3 Cyn cael eu cyflwyno yn unol â Rheol Sefydlog 26A.8, rhaid i Fil Preifat a’r dogfennau sy’n cyd-fynd ag ef y mae Rheol Sefydlog 26A.12 yn gofyn amdanynt gael eu hanfon gan yr hyrwyddwr at y Llywydd er mwyn i’r Llywydd benderfynu a ddylai ganiatáu i’r Bil gael ei gyflwyno.
- 26A.4 Rhaid i’r Llywydd roi gwybod i’r hyrwyddwr am ei benderfyniad o dan Rheol Sefydlog 26A.3 ac, os na fydd caniatâd yn cael ei roi, rhaid i’r Llywydd roi rhesymau i’r hyrwyddwr dros y penderfyniad hwnnw.
- 26A.5 Rhaid i Fil Preifat beidio â chael ei gyflwyno heb gytundeb y Llywydd ymlaen llaw.

Ffioedd

- 26A.6 Caiff y Comisiwn bennu ffioedd sy’n daladwy gan hyrwyddwyr wrth gyflwyno Biliau Preifat ac mewn perthynas â chyfnodau ystyried Biliau Preifat a nodir yn Rheol Sefydlog 26A. Caiff y Comisiwn beidio â chodi ffi neu ostwng ffi a fyddai’n daladwy fel arall.

Ffurf Biliau Preifat a sut i'w Cyflwyno

- 26A.7 Caniateir i Fil Preifat gael ei gyflwyno ar ddiwrnod gwaith mewn wythnos eistedd.
- 26A.8 Rhaid i Fil Preifat gael ei gyflwyno drwy gael ei osod gan yr hyrwyddwr neu ar ei ran.
- 26A.9 Rhaid peidio â gosod Bil Preifat oni bai ei fod ar y ffurf briodol yn unol ag unrhyw benderfyniadau a wnaed gan y Llywydd.
- 26A.10 Pan gyflwynir Bil Preifat, rhaid cael datganiad Cymraeg a Saesneg gan y Llywydd i gyd-fynd ag ef a rhaid i'r datganiad hwnnw:
- (i) nodi a fyddai darpariaethau'r Bil, ym marn y Llywydd, o fewn cymhwysedd deddfwriaethol y Cynulliad; a
 - (ii) nodi unrhyw ddarpariaethau na fyddent, ym marn y Llywydd, o fewn cymhwysedd deddfwriaethol y Cynulliad a'r rhesymau dros y farn honno.
- 26A.11 Rhaid i Fil Preifat gael ei gyflwyno yn Gymraeg a Saesneg ac eithrio pan na wneir hynny yn unol ag unrhyw benderfyniadau a wnaed gan y Llywydd o dan Reol Sefydlog 26A.9.

Dogfennau i Gyd-fynd â Bil Preifat

- 26A.12 Ar yr un pryd ag y bydd yr hyrwyddwr yn cyflwyno Bil Preifat, rhaid hefyd iddo osod Memorandwm Esboniadol yn Gymraeg a Saesneg y mae'n rhaid iddo:
- (i) datgan y byddai darpariaethau'r Bil Preifat, ym marn yr hyrwyddwr, o fewn cymhwysedd deddfwriaethol y Cynulliad;
 - (ii) nodi'r rhesymau pam y mae darpariaethau'r Bil yn ei gwneud yn briodol iddo fynd rhagddo fel Bil Preifat, gan roi sylw penodol i'r meini prawf yn Rheol Sefydlog 26A.39;
 - (iii) nodi amcanion y Bil Preifat;
 - (iv) nodi a gafodd ffyrdd eraill o wireddu'r amcanion eu hystyried ac, os felly, pam y cafodd yr ymagwedd a gymerir yn y Bil Preifat ei mabwysiadu;
 - (v) nodi'r ymgynghori a gafwyd ar y canlynol:
 - (a) amcanion y Bil Preifat a'r ffyrdd o'u gwireddu; a

(b) manylion y Bil Preifat,

ynghyd â chrynodeb o ddeiliant yr ymgynghori hwnnw;

(vi) crynhoi yn wrthrychol yr hyn y bwriedir i bob un o ddarpariaethau'r Bil Preifat ei wneud (i'r graddau y mae angen esbonio hynny neu y mae angen cyflwyno sylwadau ar hynny) a rhoi'r wybodaeth arall sy'n angenrheidiol i esbonio effaith y Bil;

(vii) cynnwys Datganiad Hyrwyddwr sy'n nodi:

(a) yn achos Bil Preifat sy'n cynnwys darpariaeth a fydd yn effeithio ar eiddo neu ar hawliau neu ddyletswyddau contractiol unrhyw berson heblaw'r hyrwyddwr, fanylion unrhyw hysbysiad ynglŷn â'r ddarpariaeth arfaethedig a roddwyd gan yr hyrwyddwr i unrhyw bersonau neu ddsbarthiadau o berson yr effeithir ar ei eiddo neu ar ei hawliau neu ei ddyletswyddau contractiol a manylion unrhyw ymateb a gafwyd;

(b) yn achos Bil Preifat lle mae'r hyrwyddwr yn gorff corfforaethol neu gymdeithas anghorfforedig o bersonau, fanylion penderfyniad ffurfiol y corff hwnnw neu'r gymdeithas honno i hyrwyddo'r Bil Preifat a chadarnhad bod y penderfyniad o dan sylw wedi'i wneud yn unol â chyfansoddiad y corff hwnnw neu'r gymdeithas honno;

(c) yn achos Bil Preifat sy'n cynnwys darpariaeth i roi pwerau i unrhyw gorff corfforaethol neu'n gymdeithas anghorfforedig o bersonau, heblaw'r hyrwyddwr, neu i ddiwygio'u cyfansoddiad, fanylion unrhyw hysbysiad ynglŷn â'r ddarpariaeth arfaethedig a roddwyd gan yr hyrwyddwr i'r corff corfforaethol neu'r gymdeithas anghorfforedig o bersonau a manylion unrhyw ymateb a gafwyd.

Hysbysiad bod Bil Preifat wedi'i Gyflwyno

26A.13 Cyn gynted ag y bydd Bil Preifat wedi'i gyflwyno, rhaid i'r hyrwyddwr gyhoeddi hysbysiad sy'n datgan:

(i) effaith gyffredinol y Bil Preifat;

(ii) y gall y Bil Preifat gael ei archwilio yn y Cynulliad ac mewn un neu ragor o fannau yng Nghymru gan gynnwys, yn achos Bil

Preifat sy'n ymwneud ag un ardal yn unig yng Nghymru, fan yn yr ardal honno;

- (iii) y caiff personau sy'n credu y byddai'r Bil Preifat yn effeithio'n andwyol ar eu buddiannau wneud gwrthwynebiad i'r Llywydd yn ystod y cyfnod o 40 diwrnod gwaith sy'n dechrau ar y diwrnod y cyhoeddir yr hysbysid gyntaf mewn papur newydd ("y cyfnod ymgynghori");
- (iv) sut i gyflwyno gwrthwynebiad a'r wybodaeth sydd i'w chynnwys yn y gwrthwynebiad hwnnw, gan roi sylw i Reol Sefydlog 26A.19;
- (v) y caiff gwrthwynebiad ofyn naill ai i'r Bil Preifat beidio â chael ei gymeradwyo neu i newidiadau gael eu gwneud i'r Bil Preifat cyn iddo gael ei gymeradwyo;
- (vi) bod rhaid i'r person sy'n gwneud gwrthwynebiad gydymffurfio ag unrhyw ganllawiau a gyhoeddir gan y Llywydd ynghylch gwneud gwrthwynebiad.

26A.14 Rhaid i hysbysiad o dan Reol Sefydlog 26A.13 gael ei gyhoeddi:

- (i) mewn o leiaf un papur newydd sy'n cylchredeg ledled Cymru (neu, os yw'r Bil Preifat yn ymwneud ag un ardal yn unig yng Nghymru, ledled yr ardal honno); a
- (ii) drwy ba fodd arall bynnag sy'n briodol, yn unol â chanllawiau a gyhoeddir gan y Llywydd, i sicrhau ei fod yn dod i sylw'r rhai y mae'r Bil Preifat yn debyg o effeithio ar eu buddiannau.

26A.15 Cyn gynted ag y bydd yr hyrwyddwr wedi cydymffurfio â gofynion Rheol Sefydlog 26A.13, rhaid i'r hyrwyddwr roi hysbysiad ysgrifenedig o'r ffaith honno i'r Llywydd, gan roi manylion y canlynol:

- (i) sut y cydymffurfiwyd â'r gofynion hynny; a
- (ii) y trefniadau a wnaeth yr hyrwyddwr i sicrhau y gallai'r Bil Preifat gael ei archwilio (heblaw yn y Cynulliad) yn unol â Rheol Sefydlog 26A.13(ii).

Gwrthwynebu

- 26A.16 Caiff person unigol, corff corfforaethol neu gymdeithas anghorfforedig o bersonau sydd o'r farn y byddai Bil Preifat a gyflwynid yn y Cynulliad yn effeithio'n andwyol ar eu buddiannau ("gwrthwynebydd") wneud gwrthwynebiad i'r Llywydd mewn ysgrifen, yn unol â hysbysiad a roddir o dan Reol Sefydlog 26A.13, yn ystod y cyfnod gwrthwynebu a bennir yn Rheol Sefydlog 26A.13(iii).
- 26A.17 At ddibenion Rheol Sefydlog 26A.16, caiff aelod o'r llywodraeth fod yn wrthwynebydd hefyd.
- 26A.18 Rhaid i'r Llywydd ddyfarnu a yw gwrthwynebiad yn dderbyniadwy.
- 26A.19 Dim ond:
- (i) os yw'n cydymffurfio ag unrhyw ganllawiau a roddir gan y Llywydd o dan Reol Sefydlog 6.17 ynglŷn â gwneud gwrthwynebiad;
 - (ii) os yw'n nodi natur y gwrthwynebiad;
 - (iii) os yw'n nodi'r darpariaethau yn y Bil Preifat sy'n arwain at y gwrthwynebiad;
 - (iv) os yw'n pennu sut y byddai'r Bil Preifat yn effeithio'n andwyol ar fuddiannau'r gwrthwynebydd
- y bydd gwrthwynebiad yn dderbyniadwy.
- 26A.20 Rhaid i'r Llywydd roi gwybod i'r hyrwyddwr am ei benderfyniad o dan Reol Sefydlog 26A.18 ac, os dyfernir nad yw gwrthwynebiad yn dderbyniadwy, rhaid i'r Llywydd roi rhesymau i'r hyrwyddwr dros y penderfyniad hwnnw.
- 26A.21 Ar ôl i'r cyfnod gwrthwynebu ddod i ben, rhaid i'r Clerc gyhoeddi pob gwrthwynebiad derbyniadwy.
- 26A.22 Os caiff y Llywydd wrthwynebiad ar ôl i'r cyfnod gwrthwynebu ddod i ben ond cyn y cyfarfod cyntaf ar gyfer Ystyriaeth Fanwl y Pwyllgor, ac os ceir gyda'r gwrthwynebiad hwnnw ddatganiad gan y gwrthwynebydd sy'n esbonio'r oedi cyn cyflwyno'r gwrthwynebiad, rhaid i'r Llywydd benderfynu a yw wedi'i fodloni:

- (i) bod y gwrthwynebiad yn dderbyniadwy, yn unol â Rheol Sefydlog 26A.19;
- (ii) bod gan y gwrthwynebydd reswm da dros beidio â gwneud y gwrthwynebiad o fewn y cyfnod gwrthwynebu;
- (iii) bod y gwrthwynebydd wedi gwneud y gwrthwynebiad cyn gynted ag yr oedd yn rhesymol ymarferol ar ôl i'r cyfnod hwnnw ddod i ben; a
- (iv) na fyddai'n afresymol ystyried y gwrthwynebiad hwnnw o gofio hawliau a buddiannau'r gwrthwynebwyr a'r hyrwyddwr.

26A.23 Os yw'r Llywydd wedi'i fodloni felly:

- (i) rhaid iddo roi gwybod i'r gwrthwynebydd am ei benderfyniad;
- (ii) rhaid i'r Clerc gyhoeddi'r gwrthwynebiad; a
- (iii) rhaid i'r pwyllgor a sefydlir yn unol â Rheol Sefydlog 26A.26 roi ystyriaeth i'r gwrthwynebiad.

26A.24 Os nad yw'r Llywydd wedi'i fodloni felly, rhaid iddo:

- (i) rhoi gwybod i'r gwrthwynebydd am ei benderfyniad, a
- (ii) rhoi rhesymau dros y penderfyniad hwnnw i'r gwrthwynebydd.

26A.25 Caniateir i wrthwynebiad gael ei dynnu'n ôl gan y gwrthwynebydd, yn unol ag unrhyw ganllawiau a roddir gan y Llywydd.

Pwyllgorau Biliau Preifat

26A.26 Pan fydd Bil Preifat wedi'i gyflwyno, ac ar ôl i'r cyfnod gwrthwynebu a bennir yn Rheol Sefydlog 26A.13(iii) ddod i ben, rhaid i'r Cynulliad ystyried cynnig i sefydlu Pwyllgor Bil Preifat, yn unol â Rheol Sefydlog 16.5.

26A.27 Mae Rheolau Sefydlog 17.3 a 17.7 yn gymwys i Bwyllgor Bil Preifat ac eithrio bod rhaid iddo gynnwys dim llai na phedwar o aelodau.

26A.28 Rhaid i unrhyw Aelod y mae ganddo, neu y mae'n disgwyl y bydd ganddo, neu hyd y gŵyr yr Aelod, y mae gan ei bartner neu y mae gan unrhyw blentyn dibynnol iddo, neu y maent yn disgwyl y bydd ganddynt, fuddiant y mae'n ofynnol ei gofrestru o dan Reol Sefydlog 2 y gellid barnu ei fod yn rhagfarnu ystyriaeth ddiduedd ar

Fil Preifat, beidio â bod yn aelod o'r pwyllgor a sefydlir i ystyried y Bil hwnnw.

- 26A.29 Rhaid i unrhyw Aelod y cynigir ei enw i fod yn aelod o Bwyllgor Bil Preifat roi gwybod i'r Pwyllgor Busnes am unrhyw fuddiant o'r math y cyfeirir ato yn Rheol Sefydlog 26A.28 a hefyd am unrhyw fuddiant, heblaw buddiant o'r fath, sydd ganddo neu y mae'n disgwyl y bydd ganddo neu, hyd y gŵyr yr Aelod, sydd gan ei bartner neu sydd gan unrhyw blentyn dibynnol iddo, neu y maent yn disgwyl y bydd ganddynt, y gellid, ym marn yr Aelod hwnnw, farnu ei fod yn rhagfarnu ystyriaeth ddiuedd ar y Bil Preifat.
- 26A.30 At ddibenion Rheolau Sefydlog 26A.28 a 26A.29, mae ystyron "partner" a "plentyn dibynnol" fel y'u diffiniwyd ym mharagraff 4 o'r Atodiad i Reol Sefydlog 2.
- 26A.31 Rhaid i unrhyw wybodaeth a roddir yn unol â Rheol Sefydlog 26A.29 ynglŷn ag Aelod y cynigir ei enw i fod yn aelod o Bwyllgor Bil Preifat gael ei gyhoeddi yr un pryd â'r cynnig i sefydlu'r pwyllgor hwnnw.
- 26A.32 Rhaid i bob aelod o Bwyllgor Bil Preifat, cyn cyfarfod cyntaf y pwyllgor hwnnw, gyflawni cwrs hyfforddi perthnasol fel y pennwyd gan y Llywydd.
- 26A.33 Rhaid i bob aelod o Bwyllgor Bil Preifat, yng nghyfarfod cyntaf y pwyllgor hwnnw, gytuno i weithredu'n ddiuedd, yn rhinwedd swydd yr Aelod hwnnw fel aelod o'r pwyllgor hwnnw, a seilio penderfyniadau ar y dystiolaeth a'r wybodaeth arall a ddarperir i'r pwyllgor hwnnw yn unig.
- 26A.34 Rhaid i aelodau Pwyllgor Bil Preifat, heblaw o dan amgylchiadau eithriadol, fod yn bresennol yn holl gyfarfodydd y Pwyllgor Bil Preifat.
- 26A.35 Ni chaiff aelod o Bwyllgor Bil Preifat gymryd rhan mewn unrhyw drafodion ar y Bil Preifat oni bai:
- (i) bod yr holl dystiolaeth sy'n ymwneud â'r Bil Preifat hwnnw a roddwyd ar lafar yn ystod trafodion y pwyllgor wedi'i rhoi yng ngŵydd yr Aelod, neu
 - (ii) gyda chytundeb yr hyrwyddwr ac unrhyw wrthwynebydd y mae'r dystiolaeth yn ymwneud ag ef, fod yr Aelod hwnnw wedi gweld recordiad neu wedi darllen trawsgrifiad o'r holl dystiolaeth nas rhoddwyd yng ngŵydd yr Aelod.

26A.36 Nid yw Rheolau Sefydlog 17.12, 17.17 na 17.48 yn gymwys i Bwyllgor Bil Preifat.

26A.37 Nid yw Rheol Sefydlog 17.49 yn gymwys i Bwyllgor Bil Preifat, ac eithrio wrth i'r pwyllgor ystyried trafodion ar welliannau.

Yr Ystyriaeth Gychwynnol

26A.38 Pan fydd y cyfnod gwrthwynebu a bennir yn Rheol Sefydlog 26A.13(iii) wedi dod i ben, rhaid i'r Pwyllgor Busnes gyfeirio Bil a osodwyd yn unol â Rheol Sefydlog 26A.8 at y Pwyllgor Bil Preifat a sefydlwyd yn unol â Rheol Sefydlog 26A.26 ("y pwyllgor"), iddo ystyried a ddylai'r Bil fynd rhagddo fel Bil Preifat a chyflwyno adroddiad ar hynny.

26A.39 Wrth ystyried a ddylai Bil fynd rhagddo fel Bil Preifat, rhaid i'r pwyllgor ystyried:

(i) a yw'r dogfennau sy'n cyd-fynd â'r Bil ac a osodwyd yn unol â Rheol Sefydlog 26A.12, ym marn y pwyllgor, yn ddigonol i ganiatáu gwaith craffu priodol ar y Bil;

(ii) a gynhaliodd yr hyrwyddwr ymgynghori digonol cyn i'r Bil gael ei gyflwyno;

(iii) a yw darpariaethau'r Bil yn peri ei fod yn briodol i'w ystyried fel Bil Preifat yn unol â Rheol Sefydlog 26A, gan roi sylw penodol i'r canlynol:

(a) i ba raddau y mae ei ddarpariaethau yn effeithio ar faterion o bolisi cyhoeddus;

(b) i ba raddau y mae ei ddarpariaethau yn diwygio neu'n diddymu deddfwriaeth arall;

(c) maint yr ardal y mae'n ymwneud â hi;

(d) nifer a natur y buddiannau y mae'n effeithio arnynt.

26A.40 Os yw'n ymddangos i'r pwyllgor nad yw'r dogfennau sy'n cyd-fynd â'r Bil yn ddigonol i alluogi'r pwyllgor i gyflwyno adroddiad yn unol â Rheol Sefydlog 26A.38, caiff y pwyllgor, cyn cyflwyno adroddiad ynghylch a ddylai'r Bil fynd rhagddo fel Bil Preifat, ganiatáu unrhyw gyfnod rhesymol y mae'r pwyllgor yn credu ei fod yn briodol i'r hyrwyddwr ddarparu unrhyw wybodaeth arall sydd ym marn y pwyllgor yn angenrheidiol ("dogfennau ategol ychwanegol").

- 26A.41 Rhaid i unrhyw ddogfennau ategol ychwanegol gael eu gosod.
- 26A.42 Ar ôl i'r pwyllgor gyflwyno'i adroddiad, caiff y Pwyllgor Busnes gyflwyno cynnig bod y Cynulliad yn cytuno i'r Bil fynd rhagddo fel Bil Preifat.
- 26A.43 Os cytunir ar gynnig o dan Reol Sefydlog 26A.42, mae'r Bil yn symud ymlaen i Ystyriaeth Fanwl y Pwyllgor.
- 26A.44 Os na chytunir ar gynnig o dan Reol Sefydlog 26A.42, mae'r Bil yn methu.
- 26A.45 Mae'r Ystyriaeth Gychwynnol ar ben pan fydd y Cynulliad wedi cytuno y dylai'r Bil fynd rhagddo fel Bil Preifat neu pan fydd y Bil yn methu fel rhan o'r Ystyriaeth Gychwynnol.

Ystyriaeth Fanwl y Pwyllgor

- 26A.46 Mae Ystyriaeth Fanwl y Pwyllgor yn dechrau ar y diwrnod gwaith cyntaf ar ôl i'r Ystyriaeth Gychwynnol ddod i ben.
- 26A.47 Rhaid i'r trafodion adeg Ystyriaeth Fanwl y Pwyllgor gael eu hystyried gan y pwyllgor a sefydlwyd yn unol â Rheol Sefydlog 26A.26 ac a ystyriodd drafodion yr Ystyriaeth Gychwynnol ar y Bil Preifat.
- 26A.48 Adeg Ystyriaeth Fanwl y Pwyllgor, rhaid i'r pwyllgor:
- (i) ystyried egwyddorion cyffredinol y Bil Preifat a chyflwyno adroddiad arnynt;
 - (ii) ystyried unrhyw wrthwynebiadau derbyniadwy, heblaw unrhyw wrthwynebiad nad oes iddo, ym marn y pwyllgor, sail o sylwedd a chyflwyno adroddiad arnynt; a
 - (iii) ystyried manylion y Bil Preifat yn unol â Rheolau Sefydlog 26A.55 i 26A.71 (gan gynnwys unrhyw welliannau derbyniadwy).
- 26A.49 Mae gan y personau a ganlyn hawl i gael eu gwranddo gerbron y pwyllgor yn bersonol, neu i gael eu cynrychioli:
- (i) yr hyrwyddwr;
 - (ii) unrhyw wrthwynebydd (yn ddarostyngedig i Reol Sefydlog 26A.52) sydd wedi cyflwyno gwrthwynebiad derbyniadwy y mae'r pwyllgor o'r farn bod iddo sail o sylwedd;

(iii) aelod o'r llywodraeth;

a chânt gymryd rhan yn y trafodion yn unol ag unrhyw ddyfarniadau gan y Cadeirydd.

- 26A.50 Caiff y Cadeirydd, wrth ddyfarnu ar sut y caiff gwrthwynebydd (neu berson arall) gymryd rhan yn y trafodion, gymryd i ystyriaeth natur y gwrthwynebiad neu'r sylwadau eraill ac i ba raddau y mae natur y cyfraniad hwnnw yn angenrheidiol er mwyn galluogi'r pwyllgor i ystyried y gwrthwynebiad a chyflwyno adroddiad arno.
- 26A.51 Caiff y Pwyllgor wahodd unrhyw bersonau eraill y mae'n barnu eu bod yn briodol i roi tystiolaeth.
- 26A.52 Os yw'r pwyllgor o'r farn bod dau neu fwy o wrthwynebiadau yr un fath neu'n debyg i'w gilydd, caiff grwpio'r gwrthwynebiadau hynny gyda'i gilydd a dewis un neu ragor o wrthwynebwyr o'r grŵp hwnnw i roi tystiolaeth ac i gymryd rhan fel arall mewn perthynas â'r gwrthwynebiadau hynny.
- 26A.53 Os yw'r pwyllgor, wrth baratoi ei adroddiad o dan Reol Sefydlog 26A.48(i) a (ii), yn bwriadu argymhell newid yn y Bil Preifat a phe bai'r newid hwnnw, o'i wneud, ym marn pwyllgor, yn effeithio ar fuddiannau'r personau eraill y cyfeirir atynt yn Rheol Sefydlog 26A.54, caiff y Pwyllgor gymryd unrhyw gamau y mae'n barnu eu bod yn briodol er mwyn sicrhau y caiff y personau eraill hynny gyfle rhesymol i gyflwyno sylwadau i'r pwyllgor mewn perthynas â'r argymhelliad hwnnw.
- 26A.54 At ddibenion Rheol Sefydlog 26A.53, ystyr "personau eraill" yw:
- (i) personau nad effeithiwyd ar eu buddiannau gan y Bil Preifat fel y'u cyflwynwyd ond y byddid yn effeithio ar eu buddiannau pe câi'r newidiadau arfaethedig eu gwneud yn y Bil Preifat, neu
 - (ii) gwrthwynebwyr presennol y byddid yn effeithio ar eu buddiannau i raddau helaethach neu mewn ffyrdd newydd pe câi'r newidiadau arfaethedig eu gwneud yn y Bil Preifat, gan arwain at seiliau newydd o sylwedd dros wrthwynebu.
- 26A.55 Caniateir i Fil Preifat gael ei ddiwygio yn ystod Ystyriaeth Fanwl y Pwyllgor.
- 26A.56 Rhaid i 25 diwrnod gwaith o leiaf fynd heibio rhwng y diwrnod y gosodir yr adroddiad o dan Reol Sefydlog 26A.48(i) a (ii) a dyddiad

y cyfarfod cyntaf y bydd y pwyllgor yn ystyried manylion y Bil Preifat ynddo yn unol â Rheol Sefydlog 26A.48(iii).

- 26A.57 Heb fod yn hwyrach na phum diwrnod gwaith ar ôl i adroddiad y pwyllgor gael ei osod, caiff unrhyw Aelod gyflwyno cynnig na ddylai'r Bil Preifat fynd ymhellach.
- 26A.58 Os na chyflwynir cynnig o dan Reol Sefydlog 26A.57, bernir bod y Cynulliad wedi cytuno ag egwyddorion cyffredinol y Bil Preifat a rhaid i'r pwyllgor fynd rhagddo i waredu gwelliannau i'r Bil Preifat, yn unol â Rheol Sefydlog 26A.48(iii).
- 26A.59 Rhaid trefnu bod amser ar gael i gynnig a gyflwynir o dan Reol Sefydlog 26A.57 gael ei drafod o fewn 10 diwrnod gwaith ar ôl dyddiad cyflwyno'r cynnig (heb gyfrif diwrnodau gwaith mewn wythnos pan nad yw'r Cynulliad yn eistedd).
- 26A.60 Os cytunir â chynnig a gyflwynir o dan Reol Sefydlog 26A.57, mae'r Bil Preifat yn methu.
- 26A.61 Os na chytunir â chynnig a gyflwynir o dan Reol Sefydlog 26A.57, bernir bod y Cynulliad wedi cytuno ag egwyddorion cyffredinol y Bil Preifat a rhaid i'r pwyllgor fynd rhagddo i waredu gwelliannau i'r Bil Preifat, yn unol â Rheol Sefydlog 26A.48(iii).
- 26A.62 Caniateir i welliannau i'w hystyried yn ystod Ystyriaeth Fanwl y Pwyllgor gael eu cyflwyno heb fod yn gynharach na'r diwrnod gwaith cyntaf ar ôl y diwrnod y gosododd y pwyllgor ei adroddiad o dan Reol Sefydlog 26A.48(i) a (ii).
- 26A.63 O dan amgylchiadau eithriadol, caiff Cadeirydd y pwyllgor dderbyn gwelliant yn ystod Ystyriaeth Fanwl y Pwyllgor y rhodddwyd llai o hysbysiad ohono na'r hyn sy'n ofynnol o dan Reol Sefydlog 26A.98. Cyfeirir at welliant o'r fath fel "gwelliant hwyr".
- 26A.64 Mae'r gwelliannau i gael eu gwaredu yn y drefn y mae'r adrannau a'r atodlenni y maent yn cyfeirio atynt yn codi yn y Bil Preifat, oni bai bod y pwyllgor wedi penderfynu fel arall.
- 26A.65 Dim ond Aelod sy'n aelod o'r pwyllgor a gaiff gymryd rhan yn nhrefodion y pwyllgor hwnnw at y dibenion a ganlyn:
- (i) cynnig gwelliant neu ofyn am gytundeb i dynnu gwelliant yn ôl; neu

(ii) pleidleisio.

- 26A.65 Caniateir i welliant gan Aelod nad yw'n aelod o'r Pwyllgor gael ei gynnig gan aelod o'r pwyllgor.
- 26A.67 Os cyflwynir gwelliant i adran o'r Bil Preifat neu atodlen iddo, pan fydd y gwelliant olaf i'r adran honno neu'r atodlen honno wedi'i waredu, rhaid barnu bod y pwyllgor wedi cytuno â'r adran honno neu'r atodlen honno fel y'i diwygiwyd, neu fel arall, at ddibenion trafodion Ystyriaeth Fanwl y Pwyllgor.
- 26A.68 Os na chyflwynir gwelliant i adran o'r Bil Preifat neu atodlen iddo, bernir bod y pwyllgor wedi cytuno ar yr adran honno neu'r atodlen honno at ddibenion Ystyriaeth Fanwl y Pwyllgor.
- 26A.69 Mae Ystyriaeth Fanwl y Pwyllgor ar ben pan fydd y gwelliant olaf wedi'i waredu neu pan fernir bod yr adran neu'r atodlen olaf wedi'i chytuno, pa un bynnag yw'r olaf.
- 26A.70 Os caiff Bil Preifat ei ddiwygio adeg Ystyriaeth Fanwl y Pwyllgor i fewnosod adran neu atodlen, neu i newid yn sylweddol ar unrhyw ddarpariaeth bresennol, caiff y pwyllgor ofyn i'r hyrwyddwr baratoi Memorandwm Esboniadol diwygiedig.
- 26A.71 Rhaid i unrhyw Femorandwm Esboniadol diwygiedig y gofynnir amdano o dan Reol Sefydlog 26A.70 gael ei osod o leiaf bum diwrnod gwaith cyn dyddiad cyfarfod cyntaf y Cynulliad sy'n ystyried trafodion Ystyriaeth Fanwl y Cynulliad.

Ystyriaeth Fanwl y Cynulliad

- 26A.72 Mae Ystyriaeth Fanwl y Cynulliad yn dechrau ar y diwrnod gwaith cyntaf ar ôl i Ystyriaeth Fanwl y Pwyllgor ddod i ben.
- 26A.73 Rhaid i 15 diwrnod gwaith o leiaf fynd heibio rhwng y diwrnod y mae Ystyriaeth Fanwl y Cynulliad yn dechrau a dyddiad cyfarfod cyntaf y Cynulliad sy'n ystyried trafodion Ystyriaeth Fanwl y Cynulliad.
- 26A.74 Rhaid i Ystyriaeth Fanwl y Cynulliad gael ei hystyried gan y Cynulliad mewn cyfarfod llawn.
- 26A.75 Caniateir i Fil Preifat gael ei ddiwygio adeg Ystyriaeth Fanwl y Cynulliad.

- 26A.76 Caniateir i welliannau i'w hystyried adeg Ystyriaeth Fanwl y Cynulliad gael eu cyflwyno gan unrhyw Aelod o'r diwrnod cyntaf y bydd y cyfnod yn dechrau.
- 26A.77 Caiff y Llywydd ddethol y gwelliannau hynny yr ymdrinnir â hwy adeg Ystyriaeth Fanwl y Cynulliad.
- 26A.78 Mae'r gwelliannau i gael eu gwaredu yn y drefn y mae'r adrannau a'r atodlenni y maent yn cyfeirio atynt yn codi yn y Bil Preifat, oni bai bod y Cynulliad wedi penderfynu fel arall drwy gynnig gan y Pwyllgor Busnes (yn unol â Rheol Sefydlog 11.7(ii)).
- 26A.79 Drwy gynnig heb hysbysiad gan y Pwyllgor Busnes (yn unol â Rheol Sefydlog 11.7(ii)), caiff y Cynulliad gytuno ar un neu fwy o derfynau amser sydd i fod yn gymwys mewn dadleuon ar welliannau (fel y maent wedi'u grwpio gan y Llywydd).
- 26A.80 Os derbynnir cynnig o dan Reol Sefydlog 26A.79, rhaid i'r dadleuon ar y grwpiau hynny o welliannau gael eu gorffen erbyn y terfynau amser a bennwyd yn y cynnig, ac eithrio i'r graddau y mae'r Llywydd yn barnu eu bod yn angenrheidiol:
- (i) am fod peidio â chynnig gwelliant wedi arwain at newid trefn trafod y grwpiau; neu
 - (ii) i atal unrhyw ddadl ar grŵp o welliannau sydd eisoes wedi dechrau pan gyrhaeddir y terfyn amser rhag cael ei chwto'g'i'n afresymol.
- 26A.81 Dim ond os ydynt, yn ychwanegol at y meini prawf yn Rheol Sefydlog 26A.100, wedi'u bwriadu ar gyfer y canlynol:
- (i) egluro geiriad darpariaeth yn y Bil Preifat (gan gynnwys dileu anghysondebau yn y testunau Cymraeg a Saesneg neu rhyngddynt), neu
 - (ii) rhoi eu heffaith i ymrwymadau a roddwyd ar ran yr hyrwyddwr adeg Ystyriaeth Fanwl y Pwyllgor, neu
 - (iii) rhoi eu heffaith i unrhyw argymhellion a wnaed gan y pwyllgor yn ei adroddiad o dan Reol Sefydlog 26A.48(i) a (ii),
- y mae gwelliannau adeg Ystyriaeth Fanwl y Cynulliad yn dderbyniadwy.

- 26A.82 Os cyflwynir gwelliant i adran o'r Bil Preifat neu atodlen iddo, pan fydd y gwelliant olaf i'r adran honno neu'r atodlen honno wedi'i waredu, rhaid barnu bod y Cynulliad wedi derbyn yr adran honno neu'r atodlen honno fel y'i diwygiwyd, neu fel arall, at ddibenion Ystyriaeth Fanwl y Cynulliad.
- 26A.83 Os na chyflwynir gwelliant i adran neu atodlen, bernir bod y Cynulliad wedi derbyn yr adran honno neu'r atodlen honno at ddibenion trafodion Ystyriaeth Fanwl y Cynulliad.
- 26A.84 Mae Ystyriaeth Fanwl y Cynulliad ar ben pan fydd y gwelliant olaf wedi'i waredu neu pan fernir bod yr adran neu'r atodlen olaf wedi'i derbyn, pa un bynnag yw'r olaf.

Y Cyfnod Terfynol

- 26A.85 Rhaid i Gyfnod Terfynol Bil Preifat gael ei gymryd gan y Cynulliad mewn cyfarfod llawn.
- 26A.86 Yn ddarostyngedig i Reol Sefydlog 26A.88, caiff unrhyw Aelod, heb fod yn gynharach na phum diwrnod gwaith ar ôl cwblhau Ystyriaeth Fanwl y Cynulliad, gyflwyno cynnig bod y Bil Preifat yn cael ei basio.
- 26A.87 Ni chaniateir gwneud gwelliannau i gynnig y dylai Bil Preifat gael ei basio.
- 26A.88 Ni chaniateir gwneud cynnig bod Bil Preifat yn cael ei basio oni bai bod testun y Bil Preifat ar gael yn Gymraeg ac yn Saesneg.
- 26A.89 Ni chaniateir gwneud cynnig o dan Reol Sefydlog 12.31(ii) mewn unrhyw drafodion Cyfnod Terfynol.

Ailystyried Biliau Preifat a Basiwyd

- 26A.90 Ar ôl i'r Bil Preifat gael ei basio, caiff unrhyw Aelod wneud cynnig y dylai'r Cynulliad ailystyried y Bil Preifat, neu unrhyw ddarpariaeth ynddo:
- (i) os oes cwestiwn ynglŷn â'r Bil Preifat wedi'i gyfeirio at y Goruchaf Lys o dan adran 112 o'r Ddeddf;
 - (ii) os oes cyfeiriad i gael dyfarniad rhagarweiniol (o fewn ystyr adran 113(1)(b) o'r Ddeddf) wedi'i wneud gan y Goruchaf Lys mewn cysylltiad â'r cyfeiriad hwnnw; a

(iii) os nad yw'r naill gyfeiriad na'r llall wedi'i benderfynu neu wedi'i waredu fel arall.

26A.91 Caiff unrhyw Aelod wneud cynnig y dylai'r Cynulliad ailystyried y Bil Preifat:

(i) os bydd y Goruchaf Lys yn penderfynu na fyddai'r Bil Preifat neu unrhyw ddarpariaeth ynddo o fewn cymhwysedd deddfwriaethol y Cynulliad; neu

(ii) os gwneir gorchymyn mewn perthynas â'r Bil Preifat o dan adran 114 o'r Ddeddf.

26A.92 Rhaid i'r trafodion yn y Cyfnod Ailystyried gael eu hystyried gan y Cynulliad mewn cyfarfod llawn.

26A.93 Ni chaniateir gwneud gwelliannau i Fil Preifat yn y Cyfnod Ailystyried oni bai bod y gwelliannau, yn ychwanegol at feini prawf Rheol Sefydlog 26A.100, ac ym marn y Llywydd, wedi'u bwriadu dim ond i ddatrys y mater sy'n destun y canlynol:

(i) y cyfeiriad at y Goruchaf Lys i gael dyfarniad rhagarweiniol;

(ii) penderfyniad y Goruchaf Lys; neu

(iii) y Gorchymyn o dan adran 114 o'r Ddeddf.

26A.94 Oni bai bod y Cynulliad wedi penderfynu, drwy gynnig gan y Pwyllgor Busnes, ym mha drefn y mae'r gwelliannau i gael eu gwaredu, rhaid eu gwaredu yn y drefn y mae'r darpariaethau y maent yn cyfeirio atynt yn codi yn y Bil Preifat.

26A.95 Caiff unrhyw Aelod gynnig bod y Cynulliad yn cymeradwyo Bil Preifat a ddiwygiwyd wrth gael ei ailystyried. Ni chaniateir gwneud gwelliannau i gynnig o'r fath.

Gwelliannau i Filiau Preifat

26A.96 Mae Rheolau Sefydlog 26A.97 i 26A.105 yn gymwys i drafodion Ystyriaeth Fanwl y Pwyllgor, i drafodion Ystyriaeth Fanwl y Cynulliad ac i drafodion y Cyfnod Ailystyried.

26A.97 Rhaid i'r Llywydd benderfynu ar ffurf briodol gwelliannau i Fil Preifat.

26A.98 Ni chaniateir ystyried gwelliant, ac eithrio gwelliant hwyr, oni bai ei fod wedi'i gyflwyno bum diwrnod gwaith cyn iddo gael ei ystyried.

26A.99 Caiff unrhyw Aelod ychwanegu ei enw i welliant (ac eithrio gwelliant hwyr) drwy hysbysu'r Clerc ar unrhyw adeg hyd at ddiwedd y diwrnod gwaith cyn bod y gwelliant i fod i gael ei ystyried.

26A.100 Nid yw gwelliant yn dderbyniadwy:

(i) os nad yw ar ei ffurf briodol yn unol â Rheol Sefydlog 26A.97;

(ii) os nad yw'n berthnasol i'r Bil Preifat neu i ddarpariaethau'r Bil Preifat y byddai'n ei ddiwygio;

(iii) os yw'n anghyson â'r egwyddorion cyffredinol fel yr adroddwyd arnynt gan y pwyllgor ac fel y bernir y cytunwyd arnynt gan y Cynulliad; neu

(iv) os yw'n anghyson â phenderfyniad sydd eisoes wedi'i wneud yn y cyfnod pryd y mae'r gwelliant yn cael ei gynnig.

26A.101 Caniateir cyflwyno gwelliant i welliant ac, o'i ddethol, rhaid iddo gael ei waredu cyn y gwelliant y byddai'n ei ddiwygio, a rhaid i Reolau Sefydlog 26A.97 i 26A.105 fod yn gymwys yn unol â hynny.

26A.102 Yn ddarostyngedig i Reol Sefydlog 26A.65, caniateir i welliant (ac eithrio gwelliant hwyr) gael ei dynnu'n ôl gan yr Aelod a'i cyflwynodd ar unrhyw adeg cyn y diwrnod y mae'n cael ei ystyried ond dim ond gyda chytundeb unfrydol unrhyw Aelodau sydd wedi ychwanegu eu henwau i'r gwelliant. Os na sicrheir cytundeb o'r fath, daw'r gwelliant yn welliant yn enw'r Aelod cyntaf a ychwanegodd ei enw i'r gwelliant ac nad yw'n cytuno i'r gwelliant gael ei dynnu'n ôl.

26A.103 Caiff Cadeirydd y pwyllgor neu'r Llywydd, yn ôl fel y digwydd, grwpio gwelliannau at ddibenion dadleuon fel y gwêl yn dda. Ni chaniateir i welliant a drafodwyd fel rhan o grŵp gael ei drafod eto pan ddaw'n amser ei waredu.

26A.104 Os na fydd Aelod a gyflwynodd welliant yn cynnig y gwelliant pan ddaw'n amser trafod y gwelliant hwnnw, caniateir i'r gwelliant gael ei gynnig:

(i) yn y pwyllgor adeg Ystyriaeth Fanwl y Pwyllgor, gan aelod o'r pwyllgor; neu

(ii) yn nhrafodion Ystyriaeth Fanwl y Cynulliad, neu yn nhrafodion y Cyfnod Ailystyried, gan unrhyw Aelod arall.

26A.105 Caniateir i welliant sydd wedi'i gynnig gael ei dynnu'n ôl gan yr Aelod a'i cynigiodd, ond dim ond:

- (i) yn y pwyllgor adeg Ystyriaeth Fanwl y Pwyllgor, os na fydd aelod o'r pwyllgor yn gwrthwynebu; neu
- (ii) yn nhrefodion Ystyriaeth Fanwl y Cynulliad, neu yn nhrefodion y Cyfnod Ailystyried, os na fydd Aelod yn gwrthwynebu.

Newid Hyrwyddwr

26A.106 Mae Rheolau Sefydlog 26A.107 i 26A.112 yn gymwys pan na fydd yr hyrwyddwr, cyn i Ystyriaeth Fanwl y Pwyllgor ddod i ben, mwyach yn dymuno neu yn gallu sicrhau'r pwerau neu'r manteision a roddir gan y Bil hwnnw, a bod unigolyn, corff corfforaethol neu gymdeithas anghorfforedig o bersonau ("yr hyrwyddwr newydd") yn dymuno sicrhau'r pwerau neu'r manteision hynny.

26A.107 Rhaid i'r hyrwyddwr newydd, cyn gynted ag y bo'n rhesymol ymarferol, osod memorandwm sy'n nodi'r rhesymau dros newid hyrwyddwr ac amgylchiadau newid hyrwyddwr.

26A.108 Rhaid i'r pwyllgor, gan gymryd i ystyriaeth y memorandwm a osodir o dan Reol Sefydlog 26A.107 ac unrhyw wybodaeth arall gan yr hyrwyddwr newydd y mae'r pwyllgor yn gofyn amdani, ystyried goblygiadau'r newid hyrwyddwr ar gyfer hawliau a buddiannau'r gwrthwynebwyr, personau eraill ac ar gyfer cynnydd y Bil Preifat.

26A.109 Caiff y pwyllgor, os yw o'r farn bod hynny'n briodol er mwyn amddiffyn hawliau neu fuddiannau gwrthwynebwyr neu bersonau eraill, neu er mwyn sicrhau gwaith craffu priodol ar y Bil Preifat:

- (i) ei gwneud yn ofynnol i'r hyrwyddwr newydd osod dogfennau ategol ychwanegol;
- (ii) ei gwneud yn ofynnol i'r hyrwyddwr newydd roi unrhyw ymrwymadau y mae'r pwyllgor o'r farn eu bod yn briodol;
- (iii) ei gwneud yn ofynnol i'r trafodion ar y Bil Preifat adeg Ystyriaeth Fanwl y Pwyllgor, neu i ran o'r trafodion hynny, ddechrau eto;
- (iv) cyflwyno adroddiad i'r Cynulliad ar oblygiadau'r newid hyrwyddwr, gydag argymhelliad na ddylai'r Bil Preifat fynd rhagddo gyda'r hyrwyddwr newydd.

26A.110 Rhaid i adroddiad o dan Reol Sefydlog 26A.109(iv) gael ei ystyried gan y Cynulliad drwy gynnig gan Gadeirydd y pwyllgor.

26A.111 Os cytunir ar gynnig o dan Reol Sefydlog 26A.110, mae'r Bil Preifat yn methu.

26A.112 Os na chytunir ar gynnig o dan Reol Sefydlog 26A.110, rhaid i'r pwyllgor neu'r Cynulliad barhau i ystyried y Bil Preifat.

Cydsyniad Ei Mawrhydi a Dug Cernyw

26A.113 Os yw Bil Preifat yn cynnwys darpariaeth, neu'n cael ei ddiwygio i gynnwys unrhyw ddarpariaeth a fyddai, pe bai'r Bil Preifat yn Fil ar gyfer Deddf Senedd y Deyrnas Unedig, yn gofyn cydsyniad Ei Mawrhydi neu gydsyniad Dug Cernyw, rhaid i'r Cynulliad beidio â thrafod y cwestiwn a ddylai'r Bil Preifat gael ei basio (neu ei gymeradwyo yn dilyn y Cyfnod Ailystyried) oni bai bod y cydsyniad hwnnw ar gyfer y ddarpariaeth honno wedi'i ddynodi gan aelod o'r llywodraeth yn ystod y trafodion ar y Bil Preifat mewn cyfarfod o'r Cynulliad.

Penderfyniadau Ariannol

26A.114 Rhaid i'r Llywydd benderfynu ym mhob achos a oes angen penderfyniad ariannol ar gyfer Bil Preifat o dan Reolau Sefydlog 26A.115 i 26A.120.

26A.115 Os yw Bil Preifat yn cynnwys darpariaeth:

- (i) sy'n codi gwariant ar Gronfa Gyfunol Cymru; neu
- (ii) y byddai ei heffaith debygol yn arwain at:
 - (a) cynnydd arwyddocaol yn y gwariant a godir ar y Gronfa honno;
 - (b) gwariant arwyddocaol sy'n daladwy o'r Gronfa honno ar wasanaeth neu ddiben newydd; neu
 - (c) cynnydd arwyddocaol yn y gwariant sy'n daladwy o'r Gronfa honno ar wasanaeth neu ddiben presennol,

ni chaniateir cymryd dim trafodion ar y Bil Preifat mewn unrhyw Gyfnod ar ôl i'r Pwyllgor Bil Preifat gyflwyno adroddiad yn unol â Rheol Sefydlog 26A.48(i) a (ii) oni bai bod y Cynulliad wedi cytuno, drwy benderfyniad ariannol, y caniateir i'r gwariant neu'r cynnydd

yn y gwariant gael ei godi ar y Gronfa honno neu, yn ôl fel y digwydd, ei dalu ohoni.

26A.116 Os yw:

- (i) Bil Preifat yn cynnwys unrhyw ddarpariaeth sy'n gosod neu'n cynyddu (neu sy'n rhoi pŵer i osod neu i gynyddu) unrhyw dâl, neu fel arall yn ei gwneud yn ofynnol (neu'n rhoi pŵer i'w gwneud yn ofynnol) i unrhyw daliad gael ei wneud; a
- (ii) yn ofynnol, gan neu o dan adran 120(1) o'r Ddeddf, i'r person y mae'r tâl neu'r taliad yn daladwy iddo dalu symiau a dderbynnir i Gronfa Gyfunol Cymru (neu os byddai'n ofynnol gwneud hynny heblaw am unrhyw ddarpariaeth a wnaed o dan adran 120(2)),

ni chaniateir cymryd dim trafodion ar y Bil Preifat mewn unrhyw Gyfnod ar ôl i'r Pwyllgor Bil Preifat gyflwyno adroddiad yn unol â Rheol Sefydlog 26A.48(i) a (ii) oni bai bod y Cynulliad, drwy benderfyniad ariannol, wedi cytuno â'r tâl, y cynnydd neu'r taliad.

26A.117 Mewn perthynas â Rheol Sefydlog 26A.116:

- (i) bydd yn gymwys dim ond os yw'r tâl, y cynnydd yn y tâl neu'r taliad yn arwyddocaol; a
- (ii) ni fydd yn gymwys os yw'r tâl, y cynnydd yn y tâl neu'r taliad:
 - (a) yn ymwneud â darparu nwyddau ac yn rhesymol o'i gymharu â'r nwyddau a ddarperir; neu
 - (b) wedi'i gyfeirio'n gyfan gwbl neu'n bennaf at adennill cost darparu unrhyw wasanaeth y mae'r tâl yn cael ei osod ar ei gyfer neu y mae'n ofynnol gwneud y taliad ar ei gyfer.

26A.118 Os byddai gwelliant (neu welliannau) i Fil Preifat, o'i dderbyn (neu o'u derbyn), yn golygu y byddai angen penderfyniad ariannol ar gyfer y Bil Preifat na fyddai ei angen fel arall, ni chaniateir cymryd dim trafodion ar y gwelliant (neu'r gwelliannau) oni bai bod y Cynulliad wedi derbyn cynnig ar gyfer penderfyniad ariannol o'r fath.

26A.119 Dim ond aelod o'r llywodraeth a gaiff wneud cynnig ar gyfer penderfyniad ariannol. Ni chaniateir gwneud gwelliannau i gynnig o'r fath.

26A.120 Oni bai:

- (i) bod hysbysiad ynglŷn â chynnig ar gyfer unrhyw benderfyniad ariannol y gofynnir amdano mewn perthynas â Bil Preifat gan Reolau Sefydlog 26A.115 neu 26A.116 yn cael ei gyflwyno o fewn chwe mis ar ôl y dyddiad y mae'r Pwyllgor Bil Preifat wedi cyflwyno adroddiad yn unol â Rheol Sefydlog 26A.48(i) a (ii); a
- (ii) bod y cynnig yn cael ei dderbyn,
mae'r Bil Preifat yn methu.

Hysbysu ynghylch Cydsyniad Brenhinol i Ddeddfau Preifat y Cynulliad

26A.121 Rhaid i'r Clerc hysbysu'r Cynulliad ynglŷn â'r dyddiad y bydd Deddf Breifat Cynulliad yn cael y Cydsyniad Brenhinol.

Biliau Preifat yn Methu, yn Cael eu Gwrthod neu'n Cael eu Tynnu'n ôl

26A.122 Os bydd Bil Preifat yn methu neu'n cael ei wrthod gan y Cynulliad, rhaid peidio â chymryd dim trafodion pellach ar y Bil Preifat hwnnw a rhaid peidio â chyflwyno Bil Preifat sydd, ym marn y Llywydd, yn yr un telerau neu delerau tebyg, yn yr un Cynulliad o fewn y cyfnod o chwe mis ar ôl y dyddiad y methodd y Bil Preifat neu y cafodd ei wrthod.

26A.123 Mae Bil Preifat yn methu os nad yw wedi'i basio neu wedi'i gymeradwyo gan y Cynulliad cyn diwedd y Cynulliad y'i cyflwynwyd ynddo.

26A.124 Caniateir i Fil Preifat gael ei dynnu'n ôl ar unrhyw adeg gan yr hyrwyddwr.

RHEOL SEFYDLOG 15 – Gweithdrefnau Gosod a Chyflwyno

- 15.1 Caniateir i'r dogfennau canlynol neu'r categorïau canlynol o ddogfennau gael eu gosod gerbron y Cynulliad:
- (i) dogfen y mae unrhyw ddeddfiad yn pennu bod yn rhaid ei gosod gerbron y Cynulliad neu y caniateir ei gosod gerbron y Cynulliad neu ddogfen sy'n dod o fewn telerau adran 86 o'r Ddeddf neu baragraffau 36 neu 37 o Atodlen 11 iddi;
 - (ii) deddfwriaeth neu ddeddfwriaeth arfaethedig neu ddrafft y mae'n ofynnol ei gosod o dan Reolau Sefydlog 25, 26, 26A, 27 neu 28;

- (iii) unrhyw adroddiad a wneir gan un o bwyllgorau'r Cynulliad ac y mae'r pwyllgor hwnnw wedi cytuno y dylid ei gyflwyno i'r Cynulliad, ac eithrio unrhyw adroddiad y mae (iv) isod yn gymwys iddo;
- (iv) unrhyw ddogfen arall a bennir mewn man arall yn y Rheolau Sefydlog y mae'n ofynnol ei gosod yn unol â'r gofynion penodol mewn Rheol Sefydlog; a
- (v) unrhyw ddogfen arall, neu unrhyw gategori arall o ddogfen, y mae'r Cynulliad yn ei gwneud yn ofynnol iddynt gael eu gosod, drwy benderfyniad mewn cyfarfod llawn.

Atodiad C – Newidiadau wedi’u Tracio a Grid

Esboniadol: Newidiadau Amrywiol

| RHEOL SEFYDLOG 11 – Trefn Busnes | |
|--|--|
| Amserlen y Cynulliad | |
| <p>11.9 O dro i dro, rhaid i’r Pwyllgor Busnes gyhoeddi amserlen am gyfnodau heb fod yn llai na chwe mis, a rhaid iddi gynnwys y canlynol:</p> <ul style="list-style-type: none"> (i) amserlenni amlinellol y cyfarfodydd llawn; (ii) yr amseroedd a fydd ar gael ar gyfer cyfarfodydd pwyllgor; (iii) yr amseroedd a fydd ar gael ar gyfer cyfarfodydd grwpiau gwleidyddol; (iv) toriadau; a (v) dyddiadau ar gyfer cwestiynau i’w hateb ar lafar gan Brif Weinidog Cymru, Gweinidogion Cymru, y Cwnsler Cyffredinol a’r Comisiwn. | <p>Dim newid</p> <p>Caiff y Rheol Sefydlog ei chynnwys er hwylustod.</p> |
| <p>11.10 Rhaid i <u>amserlenni cynigion</u> o dan Reol Sefydlog 11.9 roi sylw i gyfrifoldebau’r Aelodau tuag at y teulu a’r etholaeth neu’r rhanbarth etholiadol, ac i’w trefniadau teithio tebygol; ac fel rheol dylent geisio osgoi amserlennu busnes cyn 9.00am neu ar ôl 6.00pm ar unrhyw ddiwrnod gwaith.</p> | <p>Diwygio</p> <p>Mae Rheol Sefydlog 11.9 yn cyfeirio at amserlenni, ac nid cynigion – newidiwyd hyn fel rhan o’r gwaith o adolygu’r Rheolau Sefydlog. Dylai Rheol Sefydlog 11.10 fod wedi newid i adlewyrchu hynny. Mae’r diwygiad hwn yn cywiro’r anghysondeb rhwng y ddwy Reol Sefydlog.</p> |
| RHEOL SEFYDLOG 17 – Gweithredu Pwyllgorau | |
| Aelodaeth Pwyllgorau | |
| <p>17.3 Rhaid i’r Cynulliad ystyried cynnig a gyflwynir gan y Pwyllgor Busnes i gytuno aelodaeth a chadeirydd pob pwyllgor a sefydlir drwy benderfyniad gan y Cynulliad, a hynny drwy gynnig (neu gynigion) a gyflwynwyd gan y Pwyllgor Busnes yn unol â Rheol Sefydlog 16.</p> | <p>Diwygio</p> <p>Dylai’r Rheol Sefydlog hon fod yn gymwys i unrhyw bwyllgor a sefydlir gan y Cynulliad.</p> <p>Ar hyn o bryd, mae ond yn gymwys i’r rhai a sefydlir gan y Cynulliad drwy gynnig a gyflwynwyd gan y Pwyllgor Busnes. Mae Rheol Sefydlog 16.5 yn darparu y caiff y Cynulliad hefyd sefydlu pwyllgor drwy gynnig a gynigir gan unrhyw Aelod.</p> <p>Mae dileu’r geiriau hyn yn sicrhau bod Rheol</p> |

| | |
|--|---|
| | Sefydlog 17.3 yn gymwys i'r olaf hefyd. |
|--|---|

| RHEOL SEFYDLOG 17 – Gweithredu Pwyllgorau | |
|---|---|
| Natur Agored y Pwyllgorau | |
| <p>17.41 O ran deunydd ysgrifenedig a gyflwynir i bwyllgor gan aelodau o'r cyhoedd mewn perthynas â thrafodion y pwyllgor, gan gynnwys tystiolaeth a gyflwynwyd neu ddogfennau a gynhyrchwyd mewn ymateb i wahoddiad o dan Reol Sefydlog 17.50, ac a gyhoeddir ar ran y pwyllgor, dylid ei ystyried yn ddeunydd a gyhoeddwyd:</p> <p>(i) o dan awdurdod y Cynulliad (at ddiben adran 42(1)(b) o'r Ddeddf Difenwi); a</p> <p>(ii) at ddibenion trafodion y Cynulliad (at ddiben adran 43(1)(b) o'r Ddeddf Dirmygu Llys).</p> | <p><u>Diwygio'r Rheol Sefydlog</u></p> <p>Byddai'r newid hwn yn sicrhau bod y Rheol Sefydlog yn cynnwys yr holl ddeunydd a gyflwynir i bwyllgor, ac nid deunydd ysgrifenedig yn unig fel sy'n wir ar hyn o bryd.</p> <p>Byddai deunydd o dan y ddarpariaeth newydd yn cynnwys clipiau fideo, delweddau a chyflwyniadau amlgyfrwng.</p> |

| RHEOL SEFYDLOG 25 – Gorchymynion yn y Cyfrin Gyngor i'w gwneud o dan adran 109 o'r Ddeddf | |
|---|---|
| Gorchymyn Arfaethedig neu Orchymyn Drafft yn Methu | |
| <p>25.22 Bydd cymeradwyaeth i osod Gorchymyn arfaethedig yn unol â Rheol Sefydlog 25.30 yn peidio â bod pan gaiff y Cynulliad ei ddiddymu.</p> | <p><u>Dileu</u></p> <p>Mae Rheol Sefydlog 25.30 wedi newid, yn dilyn diwygiadau y cytunwyd arnynt ar 16 Tachwedd 2011 ac nid yw bellach yn cyfeirio at gymeradwyaeth i osod Gorchymyn arfaethedig.</p> <p>Mae'r dilead hwn yn newid canlyniadol sy'n deillio o'r newidiadau cynharach hynny.</p> |

Atodiad D – Rheolau Sefydlog Newydd: Newidiadau Amrwyiol

RHEOL SEFYDLOG 11 – Trefn Busnes

Amserlen y Cynulliad

- 11.10 Rhaid i amserlenni o dan Reol Sefydlog 11.9 roi sylw i gyfrifoldebau'r Aelodau tuag at y teulu a'r etholaeth neu'r rhanbarth etholiadol, ac i'w trefniadau teithio tebygol; ac fel rheol dylent geisio osgoi amserlennu busnes cyn 9.00am neu ar ôl 6.00pm ar unrhyw ddiwrnod gwaith.

RHEOLAU SEFYDLOG 17 – Gweithredu Pwyllgorau

Aelodaeth Pwyllgorau

- 17.3 Rhaid i'r Cynulliad ystyried cynnig a gyflwynir gan y Pwyllgor Busnes i gytuno aelodaeth a chadeirydd pob pwyllgor a sefydlir drwy benderfyniad gan y Cynulliad.

Natur Agored y Pwyllgorau

- 17.41 O ran deunydd a gyflwynir i bwyllgor gan aelodau o'r cyhoedd mewn perthynas â thrafodion y pwyllgor, gan gynnwys tystiolaeth a gyflwynwyd neu ddogfennau a gynhyrchwyd mewn ymateb i wahoddiad o dan Reol Sefydlog 17.50, ac a gyhoeddir ar ran y pwyllgor, dylid ei ystyried yn ddeunydd a gyhoeddwyd:
- (i) o dan awdurdod y Cynulliad (at ddiben adran 42(1)(b) o'r Ddeddf Difenwi); a
 - (ii) at ddibenion trafodion y Cynulliad (at ddiben adran 43(1)(b) o'r Ddeddf Dirmygu Llys).

RHEOL SEFYDLOG 25 – Gorchymyn yn y Cyfrin Gyngor a wneir o dan adran 109 o'r Ddeddf

Gorchymyn Arfaethedig neu Orchymyn Drafft yn Methu

25.22 [Dilewyd y Rheol Sefydlog hwn drwy benderfyniad y Cynulliad ar XX.XX.2012.]